



Godina I - Broj 18

Srijeda, 7. oktobar 1992.
SARAJEVO

Za svaki broj posebno se
utvrđuje cijena
Žiro-račun 10100-603-1396

411

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU

**SA ZAKONSKOM SNAGOM O DRŽAVLJANSTVU
REPUBLIKE BOSNE I HERCEGOVINE**

I - OPŠTA ODREDBA

Član 1.

Ovom uredbom utvrđuju se uslovi za sticanje i prestanak državljanstva Republike Bosne i Hercegovine (u daljem tekstu: državljanstvo RBiH).

II - STICANJE DRŽAVLJANSTVA RBiH

Član 2.

Državljanin Republike Bosne i Hercegovine može imati i strano državljanstvo (dvojno državljanstvo).

Član 3.

Državljanstvo RBiH stiče se:

- 1) porijeklom,
- 2) rođenjem na teritoriji Republike Bosne i Hercegovine (u daljem tekstu: Republika),
- 3) prirođenjem i
- 4) po međunarodnim ugovorima.

Član 4.

Porijeklom stiče državljanstvo RBiH dijete:

- 1) čija su oba roditelja u času rođenja djeteta državljani Republike,
- 2) čiji je jedan roditelj u času rođenja djeteta državljanin Republike, a dijete je rođeno u Republici,
- 3) čiji je jedan roditelj u času rođenja djeteta državljanin Republike, drugi je lice bez državljanstva, a dijete je rođeno u inostranstvu.

Porijeklom stiče državljanstvo Republike i dijete stranog državljanstva ili bez državljanstva ako su ga prema odredbama

međunarodnog prava usvojili državljani Republike sa učinkom potpunog usvojenja.

Član 5.

Dijete rođeno u inostranstvu, čiji je jedan roditelj u trenutku rođenja djeteta državljanin Republike porijeklom stiče državljanstvo RBiH ako do navršene 23 godine života bude prijavljeno radi upisa kao državljanin Republike kod nadležnog organa u Republici ili u inostranstvu ili ako duže boravi u Republici radi vaspitanja ili školovanja.

Dijete rođeno u inostranstvu, čiji je jedan roditelj u trenutku rođenja djeteta državljanin Republike, stiče državljanstvo RBiH iako ne ispunjava neki od uslova iz stava 1. ovog člana ako bi ostalo bez državljanstva.

Član 6.

Lica koja stiču državljanstvo RBiH prema odredbama čl. 4. i 5. ove uredbe smatraju se državljanima Republike od časa njegovog rođenja.

Član 7.

Državljanstvo RBiH stiče dijete rođeno ili nađeno na teritoriji Republike kome su oba roditelja nepoznata ili su nepoznatog državljanstva, ili su bez državljanstva.

Djetetu iz stava 1. ovog člana pretače državljanstvo RBiH ako se do navršene 14. godine života utvrdi da su mu roditelji strani državljani.

Član 8.

Prirođenjem može steći državljanstvo RBiH stranac koji je podnio zahtjev za prijem u državljanstvo RBiH ako ispunjava slijedeće uslove:

- 1) da je navršio 18 godina života,
- 2) da ima otpust iz stranog državljanstva ili da podnese dokaz da će ga dobiti ako bude primljen u državljanstvo RBiH,
- 3) da je do podnošenja zahtjeva deset godina neprekidno imao prijavljen boravak na teritoriji Republike,
- 4) da ima obezbijedene trajne izvore izdržavanja u visini koja omogućuje materijalnu i socijalnu sigurnost,
- 5) da mu nije bila izrečena mjera bezbjednosti protjerivanja stranca iz zemlje ili zaštitna mjera udaljavanja stranca sa teritorije Republike,

6) da nije osuđivan za krivična djela protiv osnova društvenog uređenja, protiv čovječnosti i međunarodnog prava i protiv oružanih snaga.

Smatraće se da je uslov iz tačke 2. stava 1. ovog člana ispunjen ako je lice koje je podnijelo zahtjev za prijem u državljanstvo RBiH, bez državljanstva ili će ga po zakonu zemlje čiji je državljanin izgubiti samim prirođenjem.

Ako strana država ne dopušta otpust iz državljanstva ili za otpust postavlja uslove koji se ne mogu ispuniti, dovoljna je izjava lica koje je podnijelo zahtjev za prijem u državljanstvo RBiH da se pod pretpostavkom sticanja državljanstva RBiH odriče stranog državljanstva.

Organ nadležan za donošenje rješenja o prijemu u državljanstvo RBiH odbit će zahtjev za prijem u državljanstvo RBiH i kada su ispunjeni uslovi iz stava 1. ovog člana kad to zahtijevaju razlozi bezbjednosti ili odbrane zemlje.

U rješenju iz stava 4. ovog člana nadležni organ nije dužan navoditi razloge donošenja rješenja.

Član 9.

Iseljenik iz Republike i njegovi potomci u prvoj liniji mogu steći državljanstvo RBiH prirođenjem iako ne ispunjavaju uslove iz člana 8. stav 1. tač. 2. i 3. ove uredbe.

Stranac koji je u braku sa državljaninom Republike može prirođenjem steći državljanstvo RBiH iako ne ispunjava uslove iz člana 8. stav 1. tač. 2. i 3. ove uredbe.

Maloljetni usvojenik državljanina Republike može steći državljanstvo RBiH prirođenjem iako nisu ispunjeni uslovi iz člana 8. stav 1. tač. 2. i 3. ove uredbe.

U smislu stava 1. ovog člana, iseljenik je lice koje se iselilo iz Republike u namjeri da u inostranstvu trajno živi.

Član 10.

Stranac čiji bi prijem u državljanstvo RBiH predstavljao interes za Republiku, može prirođenjem steći državljanstvo RBiH iako ne ispunjava uslove iz člana 8. stav 1. tač. 2. i 3. ove uredbe.

Stranac iz stava 1. ovog člana prima se u državljanstvo RBiH po prethodno pribavljenom mišljenju Vlade Republike Bosne i Hercegovine.

Član 11.

Prirođenjem stiče državljanstvo RBiH maloljetno dijete:

- 1) čiji su roditelji prirođenjem stekli državljanstvo RBiH,
- 2) čiji je jedan roditelj prirođenjem stekao državljanstvo RBiH, a dijete ima prebivalište u Republici.

Član 12.

Lice koje je prirođenjem steklo državljanstvo RBiH postaje državljanin Republike danom pravosnažnosti rješenja o sticanju državljanstva RBiH.

Član 13.

Rješenje o prijemu u državljanstvo RBiH ne može se poništiti, ukinuti, izmijeniti niti oglasiti ništavim ukoliko bi lice koje je tim rješenjem steklo državljanstvo RBiH ostalo bez državljanstva.

III - PRESTANAK DRŽAVLJANSTVA RBiH

Član 14.

Državljanstvo RBiH prestaje:

- 1) otpustom,
- 2) oduzimanjem,

3) oduzimanjem i

4) po međunarodnim ugovorima.

Član 15.

Otpust iz državljanstva RBiH može se dati licu koje je podnijelo zahtjev za otpust, a ispunjava sljedeće uslove:

- 1) da je navršilo 18 godina života,
- 2) da nema smetnji u pogledu vojne obaveze,
- 3) da je izmirilo dužne doprinose, poreske i druge zakonske obaveze prema državi i pravnim licima u Republici,
- 4) da je regulisao imovinsko-pravne obaveze iz bračnog odnosa i odnosa roditelja i djece prema državljanima Republike,
- 5) da se protiv njega u Republici ne vodi krivični postupak zbog krivičnog djela za koje se goni po službenoj dužnosti ili ako je u Republici osuđeno na kaznu zatvora - da je tu kaznu izdržalo,
- 6) da ima strano državljanstvo ili da je dokazalo da će biti primljeno u strano državljanstvo.

Organ nadležan za donošenje rješenja o otpustu iz državljanstva RBiH odbiće zahtjev za otpust iz državljanstva RBiH i kad su ispunjeni uslovi iz stava 1. ovog člana ako to zahtijevaju razlozi bezbjednosti ili odbrane Republike ili ako to nalažu razlozi reciprociteta ili drugi razlozi iz odnosa sa drugim državom.

U rješenju iz stava 2. ovog člana nadležni organ nije dužan navesti razloge donošenja rješenja.

Licu koje se otpušta iz državljanstva RBiH prestaje državljanstvo danom pravosnažnosti rješenja o otpustu iz državljanstva RBiH.

Član 16.

Rješenje o otpustu iz državljanstva RBiH staviće se van snage na zahtjev lica koje je dobilo otpust, ako to lice ne stekne strano državljanstvo u roku od jedne godine od dana dostavljanja rješenja i nastavi da živi u Republici.

Rješenje o otpustu iz državljanstva RBiH staviće se van snage posebnim rješenjem na zahtjev lica koje je dobilo otpust i iselilo se iz Republike ako ono u roku od tri godine od dana iseljenja nije steklo strano državljanstvo, a o tome je u roku od naredne tri godine obavijestilo diplomatsko ili konzularno predstavništvo Republike u inostranstvu ili organ nadležan za donošenje rješenja o otpustu iz državljanstva RBiH.

Član 17.

Djetetu do navršene 18. godine života prestaje državljanstvo RBiH na zahtjev:

- 1) oba roditelja kojima je državljanstvo RBiH prestalo otpustom,
- 2) jednog roditelja kome je državljanstvo RBiH prestalo otpustom, ako drugi roditelj nema državljanstvo RBiH,
- 3) jednog roditelja koji vrši roditeljsko pravo a državljanstvo RBiH mu je prestalo otpustom, ako se sa takvim zahtjevom saglasi drugi roditelj državljanin Republike,
- 4) usvojitelja kome je državljanstvo RBiH prestalo otpustom, ako je između usvojitelja i usvojenika zasnovano potpuno usvojenje.

Prema odredbama stava 1. ovog člana državljanstvo RBiH prestaje danom pravosnažnosti rješenja.

Ako su usvojitelji bračni drugovi za prestanak državljanstva RBiH po odredbi stava 1. ovog člana potrebna je saglasnost drugog usvojitelja državljanina RBiH.

Član 18.

Punoljetni državljani Republike koji je rođen i živi u inostranstvu, a ima i strano državljanstvo, može se oduzeti državljanstva RBiH.

Izjava o odricanju od državljanstva RBiH u smislu stava 1. ovog člana podnosi se diplomatskom ili konzularnom predstavništvu Republike u inostranstvu ili Ministarstvu unutrašnjih poslova.

Licu iz stava 1. ovog člana čiju izjavu o odricanju od državljanstva RBiH uvaži nadležni organ, prestaje državljanstvo RBiH danom pravosnažnosti rješenja o prestanku državljanstva.

Član 19.

Maloljetnom licu prestaje državljanstvo RBiH na zahtjev oba roditelja kojima je državljanstvo RBiH prestalo odricanjem, ili na zahtjev jednog roditelja kome je državljanstvo RBiH prestalo odricanjem ako ni drugi roditelj nema državljanstvo RBiH.

Član 20.

Državljaninu Republike koji ima i strano državljanstvo, može se oduzeti državljanstvo RBiH ako svojim postupcima šteti međunarodnim ili drugim interesima Republike.

Postupci koji štete međunarodnim i drugim interesima Republike u smislu stava 1. ove uredbе su:

1) ako je lice član organizacije čija je aktivnost usmjerena na rušenje ustavnog uređenja Republike,

2) ako lice kao pripadnik strane obavještajne službe svojim radom u državnim organima ili organizacijama strane zemlje šteti interesima Republike,

3) ako lice iz stava 1. ovog člana aktivno učestvuje u radu organizacije čiji su ciljevi suprotni opštim aktima Povelje Ujedinjenih nacija i Opšte deklaracije o pravima čovjeka.

Rješenje o oduzimanju državljanstva RBiH može se donijeti bez prethodnog izjašnjenja građanina u slučajevima kada je prebivalište odnosno boravište državljanina Republike nepoznato.

Licu kome je oduzeto državljanstvo RBiH prestaje državljanstvo danom pravosnažnosti rješenja. Ako dostavljanje rješenja nije moguće, licu prestaje državljanstvo RBiH, osmog dana od dana objavljivanja rješenja o oduzimanju državljanstva RBiH u "Službenom listu RBiH".

Član 21.

Lice kome je kao maloljetniku prestalo državljanstvo RBiH prema odredbi člana 17. i 19. ove uredbе, može steći ponovo državljanstvo RBiH ako ima prebivalište u Republici i podnese zahtjev za ponovno sticanje državljanstva RBiH do navršene 25. godine života.

IV - POSTUPAK RJEŠAVANJA O DRŽAVLJANSTVU

Član 22.

Zahtjev za sticanje odnosno prestanak državljanstva RBiH podnosi se putem stanice javne bezbjednosti po mjestu prebivališta odnosno boravišta podnosioca zahtjeva.

Zahtjev iz stava 1. ovog člana može se podnijeti i putem diplomatskog ili konzularnog predstavništva Republike u inostranstvu.

Za maloljetno dijete zahtjev iz stava 1. ovog člana podnose njegovi roditelji, odnosno usvojitelji, a ako je dijete starije od 14 godina za sticanje, odnosno prestanak državljanstva RBiH potrebna je i njegova saglasnost.

Član 23.

Rješenje o sticanju, odnosno prestanku državljanstva RBiH kao i rješenje o utvrđivanju državljanstva RBiH donosi Ministarstvo unutrašnjih poslova.

Rješenje iz stava 1. ovog člana je konačno, a protiv tog rješenja može se pokrenuti upravni spor.

Rješenje iz stava 1. ovog člana dostavlja se Ministarstvu odbrane i nadležnom organu koji vodi matične knjige rođenih.

Član 24.

Evidencija o državljanima Republike vodi se u matičnim knjigama rođenih za državljane Republike koji su upisani u matičnu knjigu rođenih koje se vode na teritoriji Republike, odnosno u diplomatskom ili konzularnom predstavništvu Republike u inostranstvu.

Evidenciju o licima koja su stekla državljanstvo RBiH, odnosno o licima koja su prestala biti državljani RBiH vodi Ministarstvo unutrašnjih poslova.

Član 25.

Uvjerjenje o državljanstvu RBiH izdaje organ nadležan za vođenje matičnih knjiga rođenih.

Uvjerjenje o državljanstvu RBiH na osnovu evidencija o državljanima Republike, koja je vođena po dosadašnjim propisima izdavać će organ kod koga se ta evidencija nalazi.

Član 26.

Državljanstvo RBiH dokazuje se važećom ličnom kartom ili putnom ispravom za državljane Republike.

Državljanin Republike koji nema isprava iz stava 1. ovog člana, dokazuje državljanstvo RBiH uvjerenjem o državljanstvu RBiH ili izvodom iz matične knjige rođenih.

V - PRELAZNE I ZAVRŠNE ODREDBE

Član 27.

Državljaninom Republike u smislu ove uredbе smatra lice koje je po dosadašnjim propisima imalo državljanstvo RBiH.

Član 28.

Državljanin Republike koji ima i strano državljanstvo, na teritoriji Republike smatra se isključivo državljaninom Republike, ukoliko nije međunarodnim ugovorom drukčije određeno.

Član 29.

Državljaninom RBiH smatra se lice državljanin druge republike bivše SFRJ, koje je rođeno na teritoriji Republike i koje je do 6. aprila 1992. godine imalo prebivalište na teritoriji Republike u neprekidnom trajanju od najmanje pet godina, ako u roku od šest mjeseci od prestanka ratnog stanja da izjavu o prihvatanju državljanstva RBiH i ako priloži ispravu o prestanku dotadašnjeg državljanstva.

Pod uslovima iz stava 1. ovog člana državljaninom RBiH smatra se i lice državljanin druge republike bivše SFRJ koje nije rođeno na teritoriji Republike, ako je do 6. aprila 1992. godine imalo prebivalište na teritoriji Republike u neprekidnom trajanju od deset godina.

Izjava iz stava 1. ovog člana daje se Ministarstvu unutrašnjih poslova, koje nakon utvrđivanja uslova iz st. 1. i 2. ovog člana donosi rješenje o utvrđivanju državljanstva RBiH.

Član 30.

Ministar unutrašnjih poslova propisuje obrazac i sadržaj obrasca evidencije iz člana 24. stav 2. ove uredbе i način vođenja te evidencije, kao i obrazac i sadržaj obrasca uvjerenja o državljanstvu.

Ministar unutrašnjih poslova u saglasnosti sa ministrom inostranih poslova propisuje obrazac uvjerenja o državljanstvu RBiH namijenjen za upotrebu u inostranstvu.

Smjetnje za otpust iz državljanstva RBiH u pogledu vojne obaveze (član 15. stav 1. tačka 2.) propisuje ministar odbrane.

Propisi iz st. 1, 2. i 3. ovog člana donijete se u roku od 60 dana od dana stupanja na snagu ove uredbе.

Član 31.

Postupci pokrenuti na osnovu Zakona o državljanstvu Socijalističke Republike Bosne i Hercegovine ("Službeni list SRBiH", broj 10/77) do dana stupanja na snagu ove uredbе dovrše se prema odredbama ove uredbе.

Član 32.

Nadzor nad provođenjem ove uredbе i propisa donesenih na osnovu ove uredbе vrši Ministarstvo unutrašnjih poslova.

Član 33.

Danom stupanja na snagu ove uredbе prestaju da važe Zakon o državljanstvu Socijalističke Republike Bosne i Hercegovine ("Službeni list SRBiH", broj 10/77) i Zakon o državljanstvu Socijalističke Federativne Republike Jugoslavije ("Službeni list SFRJ", broj 58/76) koji je članom 1. glava II - "Oblast državne uprave i pravosuđa" tačka 2. "Unutrašnji poslovi" podtačka 2) Uredbe sa zakonskom snagom o preuzimanju i primjenjivanju saveznih zakona koji se u Bosni i Hercegovini primjenjuju kao republički zakoni ("Službeni list RBiH", broj 2/92), preuzet kao republički zakon.

Član 34.

Do donošenja propisa iz člana 30. ove uredbе primjenjivat će se Pravilnik o načinu vođenja evidencije o državljanima Socijalističke Republike Bosne i Hercegovine i državljanima Socijalističke Federativne Republike Jugoslavije, obrascu i sadržaju obrasca te evidencije o državljanstvu ("Službeni list SRBiH", br. 1/79 i 14/87).

PRIMJENA UREDBE ZA VRIJEME RATNOG STANJA ILI U SLUČAJU NEPOSREDNE RATNE OPASNOSTI

Član 35.

Uredba sa zakonskom snagom o državljanstvu RBiH primjenjuje se za vrijeme ratnog stanja ili za vrijeme neposredne ratne opasnosti.

Član 36.

Za vrijeme ratnog stanja ili za vrijeme neposredne ratne opasnosti otpust iz državljanstva RBiH neće se davati, a izjava o odiranju od državljanstva RBiH neće se uvažavati.

Član 37.

Protiv rješenja kojim se odbija zahtjev za otpust iz državljanstva RBiH ili prijema u državljanstvo RBiH može se izjaviti žalba Vladi Republike.

Protiv konačnog rješenja iz stava 1. ovog člana ne može se pokrenuti upravni spor.

Član 38.

U slučaju kada lice, u postupku radi ostvarivanja određenih prava i izvršavanja obaveza, nije u mogućnosti pribaviti dokaz o državljanstvu RBiH, niti se taj dokaz može pribaviti po službenoj dužnosti, može, uz prisustvo dva svjedoka koji posjeduju ličnu kartu, dati izjavu o državljanstvu stanicijavne bezbjednosti prema mjestu prebivališta odnosno boravišta.

Član 39.

Stanica javne bezbjednosti u slučaju utvrđivanja državljanstva RBiH na način iz člana 38. ove uredbе vodi posebnu evidenciju.

Evidencija iz stava 1. ovog člana sadrži: redni broj, ime, ime jednog roditelja i prezime, datum, godina i mjesto rođenja, prebivalište, datum davanja izjave i lične podatke (ime i prezime i broj lične karte) svjedoka.

Član 40.

Ova uredba stupa na snagu danom objavljivanja u "Službenom listu RBiH".

PR broj 1325/92

6. oktobra 1992. godine

Sarajevo

Zamjenjuje predsjednika

Predsjedništva RBiH,

prof. dr. Ejup Ganić, s. r.

412

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU SA ZAKONSKOM SNAGOM O RASELJENIM LICIMA I IZBJEGLICAMA

I - OSNOVNE ODREDBE

Član 1.

Ovom uredbom uređuje se: način utvrđivanja statusa raseljenih lica i izbjeglica, prava i obaveze raseljenih lica i izbjeglica, način obezbjeđivanja sredstava za pomoć raseljenim licima i izbjeglicama, kao i druga pitanja koja se odnose na raseljena lica i izbjeglice.

Član 2.

Republika Bosna i Hercegovina (u daljem tekstu: Republika) osigurava, ovisno o materijalnim mogućnostima, a u skladu sa ovom uredbom, pomoć svim osobama kojima se prizna status raseljenog lica i izbjeglice.

II - STATUS RASELJENOG LICA I IZBJEGLICE

Član 3.

Osobi koja je sa određenog područja Republike, samostalno ili organizovano pod prisilom agresora ili da bi izbjegla neposredna ratna dejstva agresora (prijetnja likvidacije života, fizičko maltretiranje, protjerivanje od strane agresora i slično) izbjegla na drugo područje Republike, može se priznati status raseljenog lica.

Status izbjeglice može se priznati osobi koja je iz razloga iz stava 1. ovog člana izbjegla iz druge države na područje Republike.

Član 4.

Osobi koja je, sa ratom ugroženih poručja graničnih republika iz bivše Jugoslavije izbjegla u Republiku, može se priznati

privremeni status izbjeglice ukoliko se iz njenog ponašanja i pismene izjave može zaključiti da poštuje pravni poredak u Republici.

Član 5.

Predsjedništvo Republike Bosne i Hercegovine određuje koja se područja Republike smatraju ratom ugroženim područjima.

Član 6.

Status raseljenog lica i izbjeglice ne priznaje se osobi za koju je pravosnažnom sudskom odlukom osuđena za krivična djela iz čl. 119, 120, 133, 134, 137, 138, 214, 217, 218, 219. i 227. Krivičnog zakona SFRJ ("Službeni list SFRJ", br. 44/76, 36/77, 56/77, 34/84, 37/84, 74/87, 57/89, 3/90, 38/90 i 45/90) koji je Uredbom sa zakonskom snagom o preuzimanju Krivičnog zakona SFRJ preuzet kao republički zakon ("Službeni list RBiH", broj 2/92) i čl. 203. i 213. Krivičnog zakona Republike Bosne i Hercegovine ("Službeni list SRBiH", broj 24/91) i u drugim slučajevima koje propiše Vlada Republike Bosne i Hercegovine (u daljem tekstu: Vlada).

Član 7.

Ako su razlozi iz člana 6. ove uredbе postojali prije priznavanja statusa raseljenog lica i izbjeglice, a nadležni organ je za njih saznao naknadno ili su nastupile poslije priznavanja statusa raseljenog lica i izbjeglice, toj osobi će se oduzeti status raseljenog lica i izbjeglice.

III - ODLUČIVANJE O PITANJIMA RASELJENIH LICA I IZBJEGLICA

Član 8.

Stručne i s njima povezane upravne poslove koji se odnose na raseljena lica i izbjeglice vrši Direkcija za raseljena lica i izbjeglice Republike Bosne i Hercegovine (u daljem tekstu: Direkcija).

Direkcija ima svojstvo pravnog lica.

Član 9.

Direkcija vrši stručne i druge poslove kojima se rješava o pravima i obavezama raseljenih lica i izbjeglica, a naročito:

- odlučuje o statusu raseljenih lica i izbjeglica;
- predlaže Vladi mjere u vezi sa zbrinjavanjem i pomoći raseljenim licima i izbjeglicama, plan izmještanja prihvatila i zbrinjavanje raseljenih lica i izbjeglica, plan školovanja, zdravstvene zaštite i drugo);
- utvrđuje kriterijume za obračun troškova zbrinjavanja i pomoći raseljenim licima i izbjeglicama;
- osigurava osnovne uvjete za život raseljenim licima i izbjeglicama (nužni smještaj i ishrana) i uvjete za njihovu socijalnu adaptaciju;
- osigurava povratak raseljenih lica i izbjeglica u svoje domove;
- prati stanje potreba raseljenih lica i izbjeglica, utvrđuje prioritete potrebe, izrađuje plan zadovoljavanja i potreba i saraduje sa odgovarajućim humanitarnim i međunarodnim organizacijama;
- organizira prikupljanje materijalnih sredstava namijenjenih raseljenim licima i izbjeglicama;
- organizira prikupljanje pomoći u hrani, odjeći, obući i drugim potrebštinama za raseljena lica i izbjeglice;

- suraduje sa međunarodnim humanitarnim organizacijama u segmentu koji se odnosi na pomoć raseljenim licima i izbjeglicama;

- predlaže Vladi zaključivanje tripartitnih ugovora sa zemljama koje su pružile privremeni azil građanima Republike i UNHCR u cilju obezbjeđenja zaštite njihovog nacionalnog identiteta, školovanja, zdravstvene zaštite i dr.

Član 10.

Poslove iz čl. 4. i 9. ove uredbе na području općine, odnosno grada Sarajeva, Direkcija vrši u suradnji sa štabovima za zbrinjavanje raseljenih lica i izbjeglica (u daljem tekstu: štab).

Način osnivanja, sastav i zadatke štabova iz stava 1. ovog člana uređuje odlukom Vlada.

Član 11.

Direkcija suraduje sa Visokim komesarijatom za izbjeglice (UNHCR), Uredom za koordinaciju pomoći u katastrofama UN (UNDRO), UNICEF-om, Međunarodnim komitetom Crvenog krsta, Ligom društava Crvenog krsta i Crvenog Poljumjeseca, Caritas-om i drugim srodnim međunarodnim i nacionalnim organizacijama, tijelima, republičkim organima uprave i drugim državnim organima i organizacijama.

Član 12.

U svrhu organiziranog prikupljanja humanitarne pomoći u inostranstvu i pomoći u zbrinjavanju izbjeglica u inostranstvu, Vlada može, na prijedlog direktora Direkcije, imenovati povjereništva i povjerenike Direkcije u inostranstvu.

Član 13.

Direkcija poslove iz svog djelokruga na području jedne ili više općina, odnosno grada Sarajeva obavlja putem okružnih ureda.

Okružni uredi organizuju se kao organizacione jedinice Direkcije, izvan sjedišta Direkcije.

Radom okružnog ureda rukovodi direktor koga postavlja Vlada na predlog direktora Direkcije.

Član 14.

O priznavanju, odnosno oduzimanju statusa raseljenog lica, odlučuje rješenjem okružni ured u općini u kojoj raseljeno lice ima boravište.

O priznavanju odnosno oduzimanju statusa izbjeglice odlučuje Direkcija.

Protiv rješenja, kojim je odbijen zahtjev za priznavanje statusa raseljenog lica i rješenja kojim je status raseljenog lica oduzet, može se izjaviti žalba Direkciji.

Protiv rješenja, kojim je odbijen zahtjev za priznavanje statusa izbjeglice i rješenja kojim je oduzet status izbjeglice, može se izjaviti žalba Vladi.

Direkcija odnosno Vlada dužni su donijeti rješenje o žalbi u roku od dva dana od dana prijema žalbe.

Član 15.

Okružni ured koji je odlučio o priznavanju statusa raseljenog lica vodi evidenciju o raseljenim licima, njihovom zbrinjavanju i pomoći.

Evidenciju, iz stava 1. ovog člana, o izbjeglicama vodi Direkcija.

Direktor Direkcije donosi uputstvo o načinu vođenja evidencije iz stava 2. ovog člana u roku od 15 dana od dana stupanja na snagu ove uredbе.

Član 16.

Organizacije Crvenog krsta i Crvenog Polumjeseca, za potrebe službe traženja mogu koristiti podatke o raseljenim licima i izbjeglicama.

Član 17.

Okružni ured koji je rješenjem odlučio o priznanju statusa raseljenog lica dužan je da u roku od dva dana od dana priznavanja tog statusa obavijesti nadležnu stanicu javne bezbjednosti Ministarstva unutrašnjih poslova radi registracije raseljenog lica u općini, te općinski organ uprave nadležan za poslove odbrane za osobe starije od 18 godina.

Član 18.

Direkcija o priznavanju statusa izbjeglica obavještava nadležni centar Službi bezbjednosti Ministarstvo unutrašnjih poslova i okružni ured.

Član 19.

Osoba kojoj je priznat status raseljenog lica ili izbjeglice na osnovu ove uredbе, može u mjestima boravišta ostvariti svoja prava, odnosno pribaviti javne isprave u skladu sa propisima, kojim se dokazuje status raseljenog lica i izbjeglice.

Član 20.

Osobi kojoj je priznat status raseljenog lica prestaje taj status:

1. odlukom štaba za zbrinjavanje raseljenih lica i izbjeglica općine prema mjestu njenog prebivališta, prestankom razloga zbog kojih je izbjegla iz mjesta prebivališta;
2. na osnovu vlastite odluke da se vrati u mjesto prebivališta;
3. ako ne prihvati ponudeni organizirani smještaj i druge oblike organizirane pomoći;
4. ako ne izvršava poslove iz člana 38. ove uredbе.

Član 21.

Osobi koja je s ratom ugroženih područja graničnih republika bivše Jugoslavije priznat status izbjeglice, taj status prestaje:

1. ukoliko se iz njenog ponašanja može zaključiti da ne poštuje pravni poredak Republike;
2. na osnovu vlastite odluke da napusti Republiku;
3. ako ne prihvati organizirani nužni smještaj i druge oblike organizirane pomoći;
4. prema uslovima iz tripartitnih ugovora.

Član 22.

Osobi kojoj je priznat status raseljenog lica, pozivom nadležnog državnog organa na vojnu ili radnu obavezu, prestaju prava prema ovoj uredbi ako za vrijeme trajanja te obaveze prima naknadu po posebnim propisima.

Član 23.

Nadležni državni organ, koji je raseljeno lice pozvao na vojnu ili radnu obavezu, dužan je o pozivu izvijestiti okružni ured općine na čijem području raseljeno lice ima boravište.

Član 24.

Okružni ured koji je odlučio o priznavanju statusa raseljenog lica izdaje tom licu legitimaciju kojom dokazuje taj status. Legitimaciju iz stava 1. ovog člana izbjeglici izdaje Direkcija.

Direktor Direkcije propisuje obrazac legitimacije iz stava 1. ovog člana u roku od 15 dana od dana stupanja na snagu ove uredbе.

IV - POMOĆ RASELJENIM LICIMA I IZBJEGLICAMA

Član 25.

Osobi kojoj je priznat status raseljenog lica, osigurava se:

1. nužni smještaj,
2. prehrana,
3. pomoć u socijalnoj adaptaciji i psihološka podrška,
4. školovanje djece,
5. zdravstvena zaštita,
6. pomoć za podmirenje drugih nužnih životnih potreba.

Član 26.

Osobi kojoj je priznat status izbjeglice osigurava se:

1. nužni smještaj,
2. prehrana,
3. primarna zdravstvena zaštita i
4. drugi vidovi pomoći u skladu sa odlukom Vlade.

Član 27.

Nužnim smještajem, u smislu čl. 25. i 26. ove uredbе, smatra se prostor za stanovanje određen prema broju i uzrastu članova porodice raseljenih lica i izbjeglica i njihovim specifičnim potrebama ovisnim o zdravstvenom stanju i školovanju pojedinih članova porodice koji osigurava osnovne uvjete života.

Kriteriji za stanovanje, koji osiguravaju osnovne uvjete života propisane Ministarstvo za prostorno uređenje, građevinarstvo i zaštitu okoline, u roku od 15 dana od dana stupanja na snagu ove uredbе.

Raseljena lica mogu se smjestiti u prihvatilišta, sabirne centre ili u druge porodice.

Odluku o objektu koji se može koristiti za smještaj raseljenih lica i izbjeglica donosi štab općine na čijem području se smještaju raseljena lica i izbjeglice.

Uvjete za organiziranje smještaja, prehrane i podmirivanje drugih nužnih životnih potreba i visinu naknade za pružene usluge propisuje Direkcija.

Član 28.

U svrhu prehrane raseljenih lica i izbjeglica u mjestu prihvatilišta osigurava se ili organizira prehrana u odgovarajućim prehranbenim kapacitetima (ustanovama socijalne zaštite, odmaralištima, narodnim kuhinjama, hotelima i dr.) ili pomoć u hrani (osnovne živežne potrebštine).

Iznimno, ako se raseljenomlicu ili izbjeglici ne može na drugi način pružiti pomoć u hrani i za podmirenje drugih nužnih životnih potreba, može im se dodijeliti novčana pomoć.

Pomoć u hrani i za podmirenje drugih nužnih životnih potreba, neovisno o tome da li se daje u osnovnim živežnim potrebštinama i drugoj robi, u obliku bona za nabavku tih roba ili kao novčana pomoć, može se dati osobama koje su smještene

u objektima za kolektivni smještaj, osobama koje su smještene u porodicama i porodicama koje su primile raseljena lica ili izbjeglice.

Direkcija propisuje jedinstvene kriterijume za dodjelu pomoći iz stava 3. ovog člana.

Član 29.

Raseljenim licima i izbjeglicama kojima je osiguran smještaj u kući, stanu ili dijelu stana, vikendici i drugom objektu u kojem mogu samoorganizirati život i voditi domaćinstvo, osigurava se pomoć u hrani i drugim nužnim životnim namirnicama putem standardiziranih paketa hrane i drugih potrebita, te davanjem bonova i novčane pomoći za nabavku određenih roba, a pod uvjetima i na način određen u članu 27. ove uredbе.

Član 30.

Socijalna adaptacija i psihološka pomoć raseljenim licima ostvaruje se njihovim aktivnim uključivanjem u život nove socijalne sredine u skladu sa njihovim uzrastom, zanimanjem, psihofizičkim sposobnostima, sklonostima i interesima.

Program pomoći u socijalnoj adaptaciji i psihološkoj pomoći utvrđuje Direkcija.

Član 31.

Školovanje djece i raseljenih lica ostvaruje se posredstvom Ministarstva za obrazovanje, nauku, kulturu i fizičku kulturu.

Član 32.

Zdravstvena zaštita raseljenih lica i izbjeglica ostvaruje se u skladu sa propisima o zdravstvenoj zaštiti i zdravstvenom osiguranju.

Član 33.

U mjestu kolektivnog prihvata i smještaja raseljenih lica i izbjeglica odnosno za područje mjesne zajednice na kojem je smješteno više raseljenih lica i izbjeglica imenuje se voditelj zbjega.

Voditelj zbjega iz reda raseljenih lica i izbjeglica imenuje štab.

Voditelj zbjega predstavlja i zastupa raseljena lica i izbjeglice u pogledu njihovih zahtjeva u odnosu na uvjete njihovog smještaja, kvaliteta ishrane i podmirjenja drugih nužnih životnih potreba te koordinira i upravlja aktivnostima raseljenih lica i izbjeglih lica u svrhu samoorganiziranja života u zbjegu. Voditelj zbjega surađuje sa okružnim uredom, centrom za socijalni rad, štabom i drugim organizacijama, putem kojim se osigurava pomoć raseljenim licima i izbjeglicama.

Član 34.

Direkcija u svrhu osiguravanja povratka raseljenih lica i izbjeglica u mjesta njihovog prebivališta, u dogovoru sa štabom općine, utvrđuje plan povratka raseljenih lica i izbjeglica i osigurava uvjete za to: prevoz, pratnju i prihvati u mjesta prebivališta i potrebnu pomoć. U svrhu organiziranja povratka raseljenih lica i izbjeglica u mjesto prebivališta, osniva se Odbor za povratak, kojeg čine predstavnici raseljenih lica i izbjeglica pojedine općine.

Odbor za povratak raseljenih lica i izbjeglica osniva Direkcija.

V - SREDSTVA ZA RAD DIREKCIJE

Član 35.

Sredstva za potrebe zbrinjavanja raseljenih lica i izbjeglica, Direkcija obezbjeđuje iz:

- republičkog budžeta,

- dobrovoljnih dinarskih i deviznih priloga građana, preduzeća i drugih pravnih i fizičkih lica iz zemlje i inozemstva.

Dinarska i devizna sredstva Direkcija drži na posebnim računima.

Član 36.

Na prihode koje ostvari Direkcija za namjene za koje je osnovana, ne plaćaju se porezi i doprinosi.

Član 37.

Direktor Direkcije donijeće Pravilnik, uz saglasnost Vlade, o kriterijima za dodjelu sredstava, vrsti i visini pomoći koja se može dodijeliti, u roku od 15 dana od dana stupanja na snagu ove uredbе.

VI - OBAVEZE RASELJENIH LICA I IZBJEGLICA

Član 38.

Osoba kojoj je priznat status raseljenog lica i izbjeglice dužna je ispunjavati obaveze utvrđene ovom uredbom.

Raseljena lica i izbjeglice dužni su ispunjavati radne obaveze koje se odnose na njihov svakodnevni život, kao što je spremanje stambenih i drugih prostorija u kojima su smješteni ili koje koriste, pranje i peglanje, nabavka hrane, priprema hrane, vođenje brige o djeci, vođenje računovodstva i drugih administrativno-stručnih poslova.

Član 39.

Raseljena lica koja ostvaruju prihode, kao što su plaća, penzija i slično, dužna su sudjelovati u troškovima njihovog zbrinjavanja (troškovi nužnog smještaja i organizirana prehrana) do visine koju odredi Direkcija.

Sredstva iz stava 1. ovog člana uplaćuju se u korist računa Direkcije.

Obavezu sudjelovanja raseljenog lica u troškovima zbrinjavanja utvrđuje okružni ured nadležan prema mjestu smještaja.

VII - PRELAZNE ODREDBE

Član 40.

Raseljenom licu i izbjeglici kojoj je osiguran nužni smještaj i podmirivanje drugih nužnih životnih potreba osnovu ove uredbе, obustavljaju se prava i oblici socijalne zaštite koje je ostvario na osnovu Zakona o socijalnoj zaštiti ("Službeni list SR BiH", broj 39/84).

Član 41.

Ova uredba primjenjuje se i na osobe koje su napustile mjesto prebivališta da bi izbjegle neposrednu opasnost za život zbog elementarnih nepogoda i tehnološke nesreće.

Član 42.

Direkcija će donijeti akte, iz člana 9. alineja 3, člana 27. stav 5. i člana 28. stav 4. ove uredbе, u roku od 30 dana od dana stupanja na snagu ove uredbе.

Član 43.

Ova uredba stupa na snagu danom objavljivanja u "Službenom listu RBiH".

PR broj 1326/92
6. oktobra 1992. godine
Sarajevo

Zamjenjuje predsjednika
Predsjedništva RBiH,
prof. dr Ejup Ganić, s.r.

odnosno gradski organ uprave nadležan za stambeno-komunalne poslove."

Član 5.

Ova uredba stupa na snagu danom objavljivanja u "Službenom listu RBiH".

PR broj 1328/92

Zamjenjuje predsjednika

7. oktobra 1992. godine

Predsjedništva RBiH,

Sarajevo

prof. dr Ejup Ganić, s. r.

415

Na osnovu Amandmana LI tačka 5. stav 3. na Ustav Republike Bosne i Hercegovine Predsjedništvo Republike Bosne i Hercegovine, na prijedlog Vlade Republike Bosne i Hercegovine, donosi

UREDBU

SA ZAKONSKOM SNAGOM O ORGANIZACIJI REPUBLIČKE UPRAVE

I - OSNOVNE ODREDBE

Član 1.

Ovom uredbom osnivaju se ministarstva i drugi organi uprave Republike Bosne i Hercegovine (u daljem tekstu: republički organi uprave) i upravne organizacije Republike Bosne i Hercegovine.

Član 2.

Republički organi uprave i upravne organizacije Republike Bosne i Hercegovine, pored poslova iz djelokruga utvrđenog ovom uredbom, vrše i druge poslove utvrđene zakonom.

Član 3.

Republički organi uprave osnivaju se kao ministarstva i uprave Republike Bosne i Hercegovine, a upravne organizacije Republike Bosne i Hercegovine, kao zavodi, direkcije, agencije i druge upravne organizacije.

II - MINISTARSTVA I DRUGI ORGANI UPRAVE REPUBLIKE BOSNE I HERCEGOVINE

1. Ministarstva

Član 4.

Ministarstva su:

1. Ministarstvo unutrašnjih poslova - Ministarstvo unutar-njih poslova,
2. Ministarstvo odbrane - Ministarstvo obrane,
3. Ministarstvo inostranih poslova - Ministarstvo inozem-nih poslova,
4. Ministarstvo pravosuđa i uprave,
5. Ministarstvo finansija - Ministarstvo financija,
6. Ministarstvo energetike, rudarstva i industrije,
7. Ministarstvo robnog prometa, preduzetništva i turizma - Ministarstvo robnog prometa, poduzetništva i turizma,
8. Ministarstvo poljoprivrede i prehrambene industrije,
9. Ministarstvo šumarstva i industrije za preradu drveta,
10. Ministarstvo vodoprivrede,
11. Ministarstvo saobraćaja i veza - Ministarstvo prometa i veza,
12. Ministarstvo obnove,

13. Ministarstvo prostornog uređenja, građevinarstva i zaštite okoline - Ministarstvo prostornog uređenja, graditel-jstva i zaštite okoliša,

14. Ministarstvo zdravlja,

15. Ministarstvo obrazovanja, nauke, kulture i sporta - Ministarstvo obrazovanja, znanosti, kulture i sporta,

16. Ministarstvo rada i socijalne politike i

17. Ministarstvo vjera.

Član 5.

Ministarstvo unutrašnjih poslova - Ministarstvo unutarnjih poslova vrši upravne i druge stručne poslove koji se odnose na: zaštitu ustavnog uređenja i sprečavanje nasilnog ugrožavanja tog uređenja i bezbjednosti Republike Bosne i Hercegovine: (u daljem tekstu: Republika); zaštitu života i lične sigurnosti građana; sprečavanje i otkrivanje krivičnih djela; pronalaženje i hvatanje učinilaca krivičnih djela; održavanje javnog reda i mira; obezbjeđenje određenih ličnosti i objekata; saradnju sa odgovarajućim organima i organizacijama drugih država u poslovima vezanim za članstvo u Međunarodnoj organizaciji kriminalističke policije; međunarodnu pomoć i druge oblike međunarodne saradnje u oblasti unutrašnjih poslova; obez-bjeđenje rada državnih organa i organizacija i stranih diplomatskih i konzularnih predstavništava; kriminalističko-tehničko vještačenje; bezbjednost saobraćaja na putevima; kontrolu pre-laženja državne granice; boravak i kretanje stranaca; putne isprave za prelazak državne granice; protivpožarnu zaštitu; promet, prevoz i uskladištenje opasnih materija, osim radioak-tivnih materija, otrova, gasnih i zaraznih materija; organizaci-ja, naoružavanje, opremanje, osposobljavanje i usavršavanje aktivnog i rezervnog sastava policije u Republici; utvrđivanje i organizovanje funkcionalnih sistema veza Ministarstva; lične karte, lično ime, prijavljivanje prebivališta i boravišta građana; državljanstvo; matične knjige, jedinstveni matični broj gra-dana; registraciju motornih vozila; nabavljanje, održavanje i nošenje oružja i municije; održavanje javnih skupova; registre udruženja stranaca i međunarodnih organizacija; školovanje, stručno osposobljavanje i usavršavanje kadrova za potrebe organa za unutrašnje poslove; naučno-istraživačke poslove iz okvira djelatnosti policije i službe državne bezbjednosti; pružanje pomoći radi otklanjanja posljedica u slučaju opšte opasnosti prouzrokovane elementarnim nepogodama i epid-mijama i inspeksijski nadzor u oblasti protivpožarne zaštite

Član 6.

Ministarstvo odbrane - Ministarstvo obrane vrši upravne i druge stručne poslove koji se odnose na uređivanje i razvoj, izgradnju i ostvarivanje sistema odbrane u Republici i organizovanje i izvršavanje poslova vojne i civilne odbrane, i to: vojnu evidenciju, regrutovanje, mirnodopsku, ratnu popunu i mobilizaciju Armije Republike Bosne i Hercegovine (u dajem tekstu: Armija), organizaciju, planiranje, razvoj, opremanje, naoružavanje, pripremanje, obučavanje, upotrebu i ru-kovodenje i komandovanje Armijom; rješavanje statusnih pitanja pripadnika Armije; planiranje i obezbjeđivanje naoružavanja vojne opreme i tehnike; naučno-istraživački rad u Armiji i vojno školstvo; organizovanje, pripremanje, opremanje i obučavanje i rukovodenje civilnom zaštitom, službom osma-tranja i obavještavanja, vezama rukovodenja i kriptozastite; izradu i uskladištanje planova odbrane i planova zaštite od elementarnih nepogoda društveno-političkih zajednica, predu-zeća i drugih pravnih lica; pripreme i uređenje teritorije za potrebe odbrane i zaštite; planiranje, organizovanje i spro-

vođenje obuke za odbranu i zaštitu i mjera bezbjednosti i samozastite; popunu i mobilizaciju ljudstvom i materijalno-tehničkim sredstvima državnih organa, preduzeća i drugih pravnih lica; organizovanje i izvođenje vježbi i drugih oblika obuke snaga odbrane i građana; pripremanje i osposobljavanje društvenih organizacija i stručnih institucija od značaja za odbranu i zaštitu, za njihovo učesće u zaštiti i spašavanju ljudi i materijalnih dobara; geodetsko-kartografske poslove od značaja za odbranu; prikupljanje, čuvanje, eksploataciju vojno-istorijske građe; strateška istraživanja, planiranje i razvoj; vojnu saradnju sa armijama drugih država, organizaciju, kadrove, uslove za rad i rad okružnih vojnih sudova i okružnih javnih tužilaštava i inspeksijski nadzor u oblasti vojne i civilne odbrane.

Ministarstvo vrši štabne poslove za potrebe Predsjedništva Republike Bosne i Hercegovine u vezi sa ostvarivanjem njegovih prava i dužnosti u oblasti odbrane utvrdjenih Ustavom Republike Bosne i Hercegovine i zakonom.

Član 7.

Ministarstvo inostranih poslova - Ministarstvo inozemnih poslova vrši upravne i druge stručne poslove koji se odnose na: sprovođenje spoljne politike; zaključivanje, ratifikovanje i izvršavanje međunarodnih ugovora i obaveza Republike, zaštitu interesa Republike, njenih državljana i njihovih interesa, kao i interesa domaćih i stranih lica; predstavljanje mogućnosti privrede Republike u inostranstvu i stvaranje uslova radi unapređenja ekonomskih odnosa sa drugim državama, analiziranje ekonomskih odnosa Republike sa drugim državama i ekonomskim grupacijama i izradu prijedloga za unapređenje tih odnosa, podsticanje privrednih subjekata za organizovan nastup na inostranom tržištu, zastupanje ekonomskih interesa javnih preduzeća Republike na inostranom tržištu i stvaranje uslova za njihov nastup u inostranstvu (ulaganje stranog kapitala, koncesije itd.); organizaciju i djelatnost službi inostranih poslova Republike; ostvarivanje političkih, diplomatskih, ekonomskih, kulturnih i drugih odnosa Republike sa organima drugih država i međunarodnih organizacija; konzularno-pravne poslove; međunarodnu pomoć, uspostavljanje, održavanje i unapređivanje kulturnih i ekonomskih odnosa sa iseljenicima iz Republike i njihovim udruženjima, građanima Republike na boravku i radu u inostranstvu i članovima njihovih porodica, pripadnicima naroda i narodnosti Republike u drugim državama.

U sastavu Ministarstva inostranih poslova je Zavod za međunarodnu naučno-tehničku i kulturno-prosvjetnu saradnju Republike Bosne i Hercegovine.

Zavod za međunarodnu naučno-tehničku i kulturno-prosvjetnu saradnju Republike Bosne i Hercegovine vrši stručne i druge poslove koji se odnose na: pripremanje, izradu i izvršavanje međunarodnih sporazuma i programa naučno-tehničke, obrazovne i kulturne saradnje sa drugim državama i međunarodnim organizacijama; stipendiranje, redovno školovanje i specijalizacije; informisanje preduzeća i drugih pravnih lica o uslovima i mogućnostima za razvoj naučno-tehničke i kulturno-prosvjetne saradnje sa inostranstvom; razmjenu tehničke dokumentacije i stručne literature i prikupljanje podataka i informacija od preduzeća i drugih pravnih lica, koja učestvuju u međunarodnoj naučno-tehničkoj i kulturno-prosvjetnoj saradnji.

Član 8.

Ministarstvo pravosuđa i uprave vrši upravne i druge stručne poslove koji se odnose na: organizaciju, kadrove, uslove za rad i rad sudova, javnih tužilaštava, javnih pravobra-

nilaštava, sudova za prekršaje, advokature i službe pravne pomoći, nadzor nad vršenjem poslova pravosuđa uprave; pravosudni ispit i ispit za sudiju za prekršaje; međunarodnu pravnu pomoć iz nadležnosti pravosudnih organa; kolizione norme iz oblasti pravosuđa, pravni položaj stranaca; davanje mišljenja drugim republičkim organima uprave i republičkim upravnim organizacijama na predacrtie i nacrtie propisa u kojima se predviđaju kažnjiva djela i za iste propisuju kazne; ekstradiciju okrivljenih i osuđenih lica; pomilovanje osuđenih lica; sistem državne uprave; organizaciju i način rada organa uprave; sprovođenje propisa o opštem upravnom postupku, posebnim upravnim postupcima i propisa o kancelarijskom poslovanju; stručni ispit radnika organa uprave; prava i dužnosti republičkih organa u korištenju i raspolaganju sredstvima u državnoj svojini; zajedničku pisarnicu i prijemnu kancelariju republičkih organa uprave i upravnih organizacija Republike; inspeksijski nadzor; političke organizacije, društvene organizacije i udruženja građana; organizaciju, kadrove i uslove za rad i rad kazneno-popravnih organizacija; sistem izvršenja krivičnih i prekršajnih sankcija, osim sankcija koje su stavljenе u djelokrug drugog ministarstva; poslovanje privrednih jedinica kazneno-popravnih i vaspitno-popravnih organizacija; kolizione norme u oblasti izvršenja krivičnih i prekršajnih sankcija; prekid izdržavanja kazne zatvora osuđenih lica; uslovni otpust osuđenih lica; stručne ispite radnika kazneno-popravnih i vaspitno-popravnih organizacija i inspeksijski nadzor iz ove oblasti.

Ministarstvo pravosuđa i uprave vrši upravne poslove koji ne spadaju u djelokrug drugog republičkog organa uprave, odnosno upravne organizacije Republike.

Član 9.

Ministarstvo finansija - Ministarstvo finansija vrši upravne i druge stručne poslove koji se odnose na: poreski sistem i poresku politiku, devizni sistem, carinski sistem, carinsku tarifu i mjere vancarske zaštite, sistem finansijskih odnosa sa inostranstvom, kreditne odnose sa inostranstvom; novčani monetarno-kreditni i bankarski sistem, monetarno-kreditnu politiku, odnose sa međunarodnim finansijskim organizacijama; projekciju i politiku platnog bilansa sa inostranstvom; sistem osiguranja imovine i lica, sistem taksa, doprinosa i drugih dažbina i igara na sreću; sistem finansiranja javne potrošnje, finansiranje funkcija Republike, izradu i izvršenje republičkog budžeta i godišnje obračune republičkog budžeta; sistem finansiranja i formiranja razvojnih fondova, sistem finansijskog poslovanja (platni promet, hartije od vrijednosti i sanacije); obračunski sistem (računovodstvo, knjigovodstvo i bilanci); sistem funkcionisanja Službe društvenog knjigovodstva; fondovi Republike; nadzor nad izvršenjem budžeta, budžetsku inspekciju, nadzor nad korištenjem sredstava Republike, sistem solidarnosti, uslove sticanja ukupnog prihoda i raspoređivanje dobiti preduzeća, kompanizacije, premije, regresi i investicije koje se finansiraju iz sredstava republičkog budžeta, zaštitu imovine Republike u inostranstvu; poslove Republičkog trezora koji se odnose na upravljanje novčanim tokovima, dnevno praćenje novčanih sredstava, obaveza i potraživanja i utvrđivanje dinamike plaćanja i planiranja obezbjeđenja nedostajućih sredstava, koncentraciju finansijskih sredstava radi obezbjeđivanja finansijskog tržišta, poboljšanje finansijskog sistema kojim se vrši finansiranje na nivou Republike, javni dug i njegovo servisiranje, imovinu Republike, ostvarivanje uvida u kretanje ponude i potraživanje na tržištu novca i kretanje kamatnih stopa; kontrolu ostvarivanja prihoda republičkog budžeta.

U sastavu Ministarstva finansija je Devizni inspektorat koji vrši nadzor nad primjenom zakona i drugih propisa koji se odnose na promet roba i usluga sa inostranstvom i obavljanje privrednih djelatnosti u inostranstvu, sa stanovita deviznog poslovanja i kreditnih odnosa sa inostranstvom.

U sastavu Ministarstva finansija je Uprava prihoda Republike Bosne i Hercegovine.

Uprava prihoda Republike Bosne i Hercegovine vrši upravne i druge poslove utvrđene zakonom.

Član 10.

Ministarstvo energetike, rudarstva i industrije vrši upravne i druge stručne poslove koji se odnose na: energetiku, rudarstvo, geološka istraživanja; industriju (osim prehrambene, drvne, industrije duhana i proizvodnje i prerade papira); proizvodnju i promet naoružanja i vojne opreme; pripremu energetskog bilansa Republike i brigu o njegovom ostvarivanju; pripremu bilansa mineralnih sirovina i brigu o njegovom ostvarivanju; ulaganje stranih lica u domaća preduzeća u ovim oblastima; pripreme radnje za davanje koncesija iz djelokruga rada Ministarstva; ustupanje i pribavljanje materijalnih prava na tehnologiju i industrijsku svojinu; proizvodno-prometnu kooperaciju; inspeksijski nadzor u oblastima elektro-energetike, parnih kotlova i posuda pod pritiskom, rudarstva i geoloških istraživanja, proizvodnje i prometa naoružanja i vojne opreme i razmjenu intelektualnih usluga sa inostranstvom iz djelatnosti ovog ministarstva.

U sastavu Ministarstva energetike, rudarstva i industrije su Zavod za standardizaciju, mjeriteljstvo i patente Republike Bosne i Hercegovine i Direkcije Republike Bosne i Hercegovine za proizvodnju naoružanja i vojne opreme.

Zavod za standardizaciju, mjeriteljstvo i patente Republike Bosne i Hercegovine vrši stručne i druge poslove koji se odnose na: standarde, tehničke normative i norme kvaliteta; unifikaciju i tipizaciju proizvoda roba i usluga; sprovođenje sistema atestiranja, homologacije i znaka kvaliteta; sistem mjernih jedinica i kontrolu mjera plemenitih kovina; zaštitu pronalazaka, tehničkih unapređenja, žigova, oznaka porijekla proizvoda, uzoraka i modela; prikupljanje, sređivanje i stavljanje na uvid patentne dokumentacije zainteresovanim licima i pružanje obavještenja o zaštiti i prometu pronalazaka u zemlji i inostranstvu.

Zavod za standardizaciju, mjeriteljstvo i patente Republike Bosne i Hercegovine ima svojstvo pravnog lica.

Direkcija Republike Bosne i Hercegovine za proizvodnju naoružanja i vojne opreme vrši stručne i druge poslove koji se odnose na: predlaganje i koordiniranje donošenja planova za razvoj, organizovanje i reorganizovanje proizvodnje i prometa naoružanja i vojne opreme; predlaganje i koordiniranje uspostavljanja suradnje između javnih preduzeća za proizvodnju i promet naoružanja i vojne opreme iz Republike s inozemnim partnerima; predlaganje i koordiniranje uspostavljanja naučno-istraživačkih i razvojnih centara i institucija za podsticanje i razvoj proizvodnje naoružanja i vojne opreme; predlaganje donošenja zakonskih i drugih akata kojima se osigurava cjelovit i efikasan razvoj proizvodnje i prometa naoružanja i vojne opreme, daje saglasnost na izvoz, uvoz i reeksport naoružanja i vojne opreme kao i sirovina i reprod materijala za naoružanje i vojnu opremu, i vođenje evidencije o zaključenim ugovorima.

Član 11.

Ministarstvo robnog prometa, preduzetništva i turizma - Ministarstvo robnog prometa, poduzetništva i turizma vrši

upravne i druge stručne poslove koji se odnose na: promet roba i usluga u zemlji i sa inostranstvom; preduzetništvo; robne režime; davanje saglasnosti za realizaciju specifičnih spoljnotrgovinskih poslova; bilansiranje robne razmjene sa inostranstvom; promociju izvoznih aktivnosti; utvrđivanje obima i davanje saglasnosti za korištenje restriktivnih režima izvoza i uvoza; poslove na usklađivanju ponude i potražnje; bilansiranje roba za reprodukciju i snabdijevanje; regulaciju cijena, analizu izvoznih i uvoznih cijena roba i usluga i prijedlog mjera, poduzimanje mjera zaštite potrošača; razvoj preduzeća iz svoje djelatnosti i preduzetništva, kao i zajednički nastup firmi u oblasti robnog prometa i preduzetništva; izdavanje certifikata o porijeklu robe za izvoz; evidentiranje vraćene robe i preduzimanje odgovarajućih mjera; usluge u prometu i preduzetništvu, turizmu i ugostiteljstvu, zanatstvu; turističko-propagandnu djelatnost, saradnju u oblasti turizma sa drugim državama, poslove kategorizacije turističkih i ugostiteljskih objekata, unapređenje standarda kvaliteta roba i inspeksijski nadzor u oblasti robnog prometa, turizma i ugostiteljstva i preduzetništva.

U sastavu Ministarstva robnog prometa, preduzetništva i turizma su Direkcija Republike Bosne i Hercegovine za robne rezerve i Agencija Republike Bosne i Hercegovine za preduzetništvo.

Direkcija Republike Bosne i Hercegovine za robne rezerve vrši stručne i druge poslove koji se odnose na: nabavku, razmjestaj, zadržavanje, čuvanje i korištenje državnih robnih rezervi; sprovođenje mjera radi intervencija na tržištu, bilansiranje roba za potrebe državnih rezervi; usklađivanje i distribuciju roba koje su preuzete kao pomoć drugih država; programiranje i realizaciju izgradnje skladišnog prostora i smještaj i čuvanje državnih robnih rezervi i saradnju sa organima robne rezerve u opštinama i preduzećima.

Direkcija Republike Bosne i Hercegovine za robne rezerve ima svojstvo pravnog lica.

Agencija Republike Bosne i Hercegovine za preduzetništvo vrši stručne i druge poslove koji se odnose na: usmjeravanje razvojne orijentacije male industrije i zanatstva; prikupljanje, generisanje, distribuciju i koordinaciju razvojnih ideja i programa; predlaganje sistemskih zakona za regulaciju preduzetništva; predlaganje mjera za stimulaciju preduzetništva; kreiranje politike prema maloj industriji i zanatstvu u državnim organima, bankama, komorama i drugim organima; uspostavljanje kontakata sa domaćim i inostranim partnerima; organizovanje promotivnih aktivnosti male industrije i zanatstva; pripremu programa za obrazovanje kadrova.

Član 12.

Ministarstvo poljoprivrede i prehrambene industrije vrši upravne i druge stručne poslove koji se odnose na: unapređivanje poljoprivredne proizvodnje; zaštitu i korištenje poljoprivrednog zemljišta; zaštitu poljoprivrednog bilja i proizvoda od uzročnika bolesti, štetočina i korova; proizvodnju, doradu i promet sjemena poljoprivrednog bilja; proizvodnju i promet sadnog materijala voćaka, vinove loze i ukrasnih biljaka; unapređivanje prehrambene industrije proizvodnjom prehrambenih proizvoda, pića, stočne hrane, proizvodnjom i preradom duhana; stočarstvo, pčelarstvo i ribarstvo; organizaciju i rad veterinarskih ustanova i razvoj veterinarske djelatnosti; zdravstvenu zaštitu životinja; kontrolu zdravstvene ispravnosti namirnica životinjskog porijekla, stočne hrane i vode za potrebe farmi; kontrolu proizvodnje i predmeta lijekova koji se upotrebljavaju u veterinarstvu i sredstava za tretiranje

i zaštitu bilja; davanje veterinarske saglasnosti za izgradnju objekata za proizvodnju i promet životinja i namirnica životinjskog porijekla; odnose sa inostranstvom u oblasti poljoprivrede, veterinarstva i prehrambene industrije; inspeksijski nadzor u oblasti poljoprivrede, veterinarstva i ribarstva, davanje koncesija stranim licima i razmjene intelektualnih usluga sa inostranstvom iz djelatnosti ovog ministarstva.

Član 13.

Ministarstvo šumarstva i industrije za prerađu drveta vrši upravne i druge stručne poslove iz oblasti šumarstva, drvene industrije, proizvodnje i prerade papira i lovne privrede, koji se odnose na: upravljanje i racionalno korišćenje šumskih zemljišta i njihovu zaštitu od erozije, bujica i protupravnog prisvajanja i otuđivanja; jedinstvenu i proširenu reprodukciju šuma sa ciljem očuvanja i povećanja površina pod šumom, povećanja drvnih zaliha i prinosa šuma te unapređenja opštekorisnih funkcija šuma; organizaciju šumarstva i industrije za prerađu drveta; upravljanje i gospodarenje šumama; uređivanje i integralnu zaštitu šuma; praćenje i evidentiranje promjena šumskih površina i drvnog fonda; uzgoj i zaštitu divljači te razvoj i unapređenje lovne privrede; inspeksijski nadzor u oblasti šumarstva i lovstva; organizovanje i funkcionisanje javnog preduzeća šumarstva Republike te nadzor nad njegovim radom i poslovanjem; donošenje razvojnih planova, planova šumskoprivrednih osnova i drugih planova u oblasti šumarstva; politiku formiranja cijena drvnih i ostalih šumskih proizvoda i distribuciju proizvoda šumarstva; koncepciju organizovanja i razvoja drvene industrije (uključivo industriju celuloze i papira); snabdijevanje proizvodnih kapaciteta za prerađu drveta drvnim sirovinom i proizvodnju i plasman gotovih proizvoda; pripremu bilansa proizvodnje i potrošnje drvnih asortimana u Republici i brigu o njegovom ostvarivanju; ulaganja stranih lica u domaća preduzeća; davanje koncesija i drugih prava na iskorišćavanje šuma; ustupanje i pribavljanje materijalnih prava na tehnologiju i industrijsku svojinu u oblasti prerade drveta i ostalih šumskih proizvoda te proizvodno-prometnu kooperaciju; razmjenu intelektualnih usluga sa inostranstvom i naučno-istraživački rad u oblastima iz nadležnosti Ministarstva.

Član 14.

Ministarstvo vodoprivrede vrši upravne i druge stručne poslove koji se odnose na: gazdovanje vodama; zaštitu od štetnog djelovanja voda; zaštitu voda od zagađivanja; upotrebu i korištenje voda; uslove i način obavljanja vodoprivredne djelatnosti; usmjeravanje dugoročnog razvoja vodoprivrede u svrhu unapređenja vodnog režima i optimalnog gazdovanja vodama; zaštitu i razvoj vodnog resursa; inspeksijski nadzor iz oblasti vodoprivrede; davanje koncesija stranim licima i razmjenu intelektualnih usluga sa inostranstvom iz djelatnosti ovog ministarstva.

Član 15.

Ministarstvo saobraćaja i veza - Ministarstvo prometa i veza vrši upravne i druge stručne poslove na unutrašnjem i međunarodnom saobraćaju i vezama koji se odnose na: drumski saobraćaj i javne puteve, željeznički saobraćaj i bezbjednost željezničkog saobraćaja; vazdušni saobraćaj sa kontrolom letenja, pomorski, riječni i jezerski saobraćaj i bezbjednost vazdušnog, pomorskog, riječnog i jezerskog saobraćaja; pretovarne usluge; cjelovodni transport; poštanski saobraćaj; sistem veza; planiranje i međunarodnu koordinaciju radio-frekvencija za potrebe države; stvaranje uslova za nastup javnih preduzeća iz djelatnosti saobraćaja i veza u inostranstvu, davanje koncesija stranim licima; inspeksijski nadzor u oblasti

javnih puteva, drumskog, željezničkog, vazdušnog, pomorskog, riječnog i jezerskog saobraćaja i cjelovodnog transporta, poštanskog saobraćaja i sistema veza i kontrolu radio-frekvencijskog spektra.

U sastavu Ministarstva saobraćaja i veza su Direkcija Republike Bosne i Hercegovine za civilnu vazdušnu plovidbu i Direkcija Republike Bosne i Hercegovine za sisteme veza.

Direkcija Republike Bosne i Hercegovine za civilnu vazdušnu plovidbu vrši stručne i druge poslove koji se odnose na: vođenje evidencije svih letjelica i aerodroma, izdavanje uvjerenja o plovidboposti letjelica i uvjerenja o upotrebljivosti aerodroma za bezbjednu vazdušnu plovidbu; kontrolu vazdušnog prostora Republike; obezbjeđenje aeronautičko-informativnog servisa i vazduhoplovnih meteoroloških informacija; aktiviranje traganja i spašavanja letjelica; održavanje telekomunikacionih i navigacionih sredstava; organizovanje ispita u avijaciji; vođenje kartoteke ovlaštenog osoblja; predlaganje zakona i propisa iz oblasti vazdušne plovidbe; organizovanje komisija za ispitivanje udesa i prekršaja i kontrolisanje primjene uslova propisanih Zakonom o vazdušnoj plovidbi.

Direkcija Republike Bosne i Hercegovine za civilnu vazdušnu plovidbu ima svojstvo pravnog lica.

Direkcija Republike Bosne i Hercegovine za sistem veza vrši stručne i druge poslove koji se odnose na: planiranje i koordinaciju frekvencija na međunarodnom planu i u Republici; praćenje i učestvovanje u izradi planova razvoja sistema veza; izdavanje dozvola za rad radio-stanica; monitoring i kontrolu radio-frekvencijskog spektra putem kontrolno-mjernog centra; učestvovanje u planiranju infrastrukture razvoja radio i TV difuzije u segmentu predajnika i veza i nadzor nad korištenjem radio uređaja.

Član 16.

Ministarstvo obnove vrši upravne i druge stručne poslove koji se odnose na: obnovu ratom porušenih objekata u društvenoj i privatnoj svojini i stvaranje materijalnih pretpostavki za povratak nasilno raseljenog stanovništva; koordinaciju i organizaciju aktivnosti na evidentiranju, procjeni i utvrđivanju šteta prouzrokovanih ratnim razaranja; jedinstvenu metodologiju za popis i procjenu ratnih šteta; objedinjavanje izvještaja o nastalim štetama i obezbjeđenje odgovarajuće kompjuterske baze podataka; stručno-tehničku pomoć i podršku republičkoj komisiji za popis i procjenu ratnih šteta; koordinaciju rada resornih organa i institucija na izradi i predlaganju programa obnove objekata od značaja za Republiku i praćenje njegove realizacije; koordinaciju rada na obezbjeđivanju finansiranja obnove; stručnu verifikaciju zahtjeva za odobravanje sredstava i predlaganje prioriteta obnove objekata od interesa za Republiku; učestće u usmjeravanju namjenskih sredstava za realizaciju programa obnove, koordinaciju nadležnih resornih organa u obezbjeđivanju radne snage, materijala i opreme i utvrđivanje institucionalnih nosilaca obnove pojedinih infrastrukturnih i drugih objekata; predlaganje odgovarajućih podsticajnih mjera za realizaciju programa obnove; izradu potrebnih dokumenata za obradu zahtjeva za naknadu ratnih šteta; koordinaciju i pomoć opštinama u izradi njihovih programa obnove; redovno informisanje o realizaciji programa obnove; saradnju sa stručnim organizacijama i međunarodnim institucijama vezanu za ratne štete i obnovu zemlje.

Član 17.

Ministarstvo prostornog uređenja, građevinarstva i zaštite okoline - Ministarstvo prostornog uređenja, graditeljstva i

zaštite okoliša vrši upravne i druge stručne poslove koji se odnose na: planiranje i uređenje prostora; izradu, proizvodnju i primjenu prostornog plana Republike; reviziju i davanje saglasnosti na prostorne planove opština, posebnih područja i urbanističke planove opštinskih centara; reviziju prostorno-planске dokumentacije, razvojnih programa i investiciono-tehničke dokumentacije od posebnog interesa za Republiku; urbanističko planiranje i građenje; uređenje građevinskog zemljišta; građevinarstvo i proizvodnju građevinskih materijala; praćenje privredivanja građevinarstva; stambenu izgradnju, finansiranje stambene izgradnje i stambeno zadržavanje; stambene odnose i sticanje svojine na stambenim zgradama i stanovima u društvenoj svojini; održavanje i upravljanje zgradama i stanovima; komunalne djelatnosti; koordiniranje zaštite kvaliteta okoline i njeno unapređenje putem istraživanja, planiranja finansiranja, upravljanja i mjere zaštite; zaštitu dobara od opšteg interesa; zaštitu graditeljskog naslijeđa istorijskih gradskih jezgri i ambijentalnih cjelina; zaštitu poljoprivrednog zemljišta; saniranje najugroženijih područja u Republici i objedinjavanje i upravljanje sredstvima za te namjene; inspekcijски nadzor u oblasti prostornog uređenja, građenja, zaštite okoline, zaštite graditeljskog naslijeđa istorijskih gradskih jezgri i ambijentalnih cjelina i komunalnih djelatnosti i razmjenu intelektualnih usluga sa inostranstvom iz djelatnosti ovog ministarstva.

Član 18.

Ministarstvo zdravlja vrši upravne i druge stručne poslove koji se odnose na: razvoj i unapređenje sistema zdravstvene zaštite i zdravstvenog osiguranja građana, kao i sistema finansiranja zdravstvene zaštite građana; organizaciju i rad zdravstvenih ustanova i razvoj zdravstvenih djelatnosti; planiranje i programiranje razvoja zdravstvenih djelatnosti; proizvodnju i promet otrova i opojnih droga; stavljanje u promet lijekova i pomoćnih lijekovitih sredstava; zaštitu od jonizirajućih zračenja; sprečavanje i suzbijanje zaraznih bolesti; sanitarni nadzor na državnoj granici; stručno osposobljavanje i usavršavanje zdravstvenih radnika; stručno-medicinski nadzor nad radom zdravstvenih ustanova i zdravstvenih radnika; davanje sanitarno-preventivne saglasnosti za izgradnju objekata; izvršenje mjera bezbjednosti i zaštitnih mjera, osim mjera koje su stavljene u djelokrug drugog ministarstva i inspekcijски nadzor u sanitarnoj i zdravstvenoj oblasti.

Član 19.

Ministarstvo obrazovanja, nauke, kulture i sporta - Ministarstvo obrazovanja, znanosti, kulture i sporta, vrši upravne i druge stručne poslove koji se odnose na: predškolsko, osnovno i srednje obrazovanje i vaspitanje; visoko obrazovanje; program aktivnosti za predškolsko vaspitanje, obrazovanje i zaštitu djeteta; nastavne programe i planove vaspitno-obrazovnog rada za osnovno i srednje obrazovanje i vaspitanje; pedagoške standarde i normative prostora, opreme i nastavnih sredstava za predškolsko, osnovno i srednje obrazovanje i vaspitanje; obrazovanje djece građana Republike na radu u inostranstvu; no-strifikaciju i ekvivalenciju inostranih školskih svjedočanstava; stručno obrazovanje i usavršavanje nastavnika i saradnika; udžbeničku literaturu za osnovno i srednje obrazovanje i vaspitanje; naučno-istraživački rad na unapređenju vaspitno-obrazovnog rada; standarde i normative za visoko obrazovanje; dački i studentski standard; razvoj naučno-istraživačke djelatnosti i naučno-tehničkih informacija i komunikacija; razvoj naučno-istraživačkih organizacija; informacionu i informativnu djelatnost; kadrove u naučno-istraživačkim djelatnostima; zaštitu i korištenje kulturno-istorijskog naslijeđa; muzejsku,

arhivsku, bibliotečku, izdavačku, pozorišnu, muzičku, likovnu, filmsku i estradnu djelatnost; djelatnost društvenih organizacija i udruženja građana u oblasti kulture i sporta; fizičku kulturu i sport; tehničku kulturu i inspekcijски nadzor u vaspitno-obrazovnoj, arhivskoj oblasti i u oblasti zaštite pokretnog kulturno-istorijskog naslijeđa.

Član 20.

Ministarstvo rada i socijalne politike vrši: upravne i druge stručne poslove koji se odnose na: zapošljavanje; radne odnose i prava radnika u preduzećima i drugim pravnim licima, radnika zaposlenih kod građana koji samostalno obavljaju djelatnost ličnim radom i nezaposlenih lica; uređivanje i praćenje sistema plata; zaštitu na radu: penzijsko i invalidsko osiguranje i druga prava kojima se obezbjeđuje socijalna sigurnost i solidarnost; priznavanje prava na izuzetnu penziju pripadnicima Oružanih snaga Republike Bosne i Hercegovine i ostvarivanje prava iz penzijskog i invalidskog osiguranja vojnih osiguranika; pripreme i praćenje izvršavanja međunarodnih konvencija; ugovora i bilateralnih sporazuma iz oblasti radnih odnosa i zaštite na radu, zapošljavanja, penzijskog i invalidskog osiguranja, socijalne politike; zaštitu civilnih žrtava rata; zaštitu porodice; usvojenje i starateljstvo; socijalnu zaštitu; zaštitu članova porodice lica na obaveznoj vojnoj službi; djelatnost društvenih organizacija i udruženja građana u socijalno-humanitarnoj oblasti u zemlji i inostranstvu i inspekcijски nadzor u oblastima rada i zaštite na radu.

U sastavu Ministarstva rada i socijalne politike je Agencija Republike Bosne i Hercegovine za humanitarnu pomoć.

Agencija Republike Bosne i Hercegovine za humanitarnu pomoć vrši stručne i druge poslove koji se odnose na: identifikaciju stvarnih potreba za svim vidovima humanitarne pomoći na republičkom, regionalnom i opštinskom nivou; prijem i distribuciju humanitarne pomoći do krajnjih korisnika; koordinaciju vezanu za humanitarnu pomoć sa međunarodnim institucijama i u Republici; kontinuiranu i ažurnu informatičku obradu svih relevantnih podataka vezanih za humanitarnu pomoć u Republici.

Član 21.

Ministarstvo vjera vrši upravne i druge stručne poslove koji se odnose na: odnos Republike i vjerskih zajednica; njihova organa, organizacija i institucija koje djeluju na njenoj teritoriji, a naročito na realizaciju pravnog položaja vjerskih zajednica; prava i obaveze koje proističu iz načela slobode savjesti i vjeroispovijesti; djelovanje vjerskih zajednica na odgojno-obrazovnom, kulturno-prosvjetnom, naučno-istraživačkom, zdravstvenom - socijalnom, humanitarno-karitativnom, privredno-ekonomskom kao i u drugoj oblasti za koju je Republika zainteresovana; pravno-imovinska pitanja na relaciji država - vjerske zajednice; javno-pravni status vjerskih službenika, njihovo udruživanje na profesionalnoj osnovi; formiranje i djelovanje laičkih udruženja i organizacija na vjerskoj osnovi.

2. Samostalne uprave Republike Bosne i Hercegovine

Član 22.

Samostalne uprave Republike Bosne i Hercegovine su:

1. Uprava za geodetske i imovinsko-pravne poslove Republike Bosne i Hercegovine,
2. Uprava za boračko-invalidsku zaštitu Republike Bosne i Hercegovine,
3. Uprava carina Republike Bosne i Hercegovine.

Član 23.

Uprava za geodetske i imovinsko-pravne poslove Republike Bosne i Hercegovine vrši upravne i druge stručne poslove koji se odnose na: premjer i uspostavljanje katastra nekretnina, obnovu premjera i katastra nekretnina; katastar komunalnih uređaja, osim poslova koji su zakonom dati u nadležnost opštine; kartografisanje teritorije Republike; međunarodnu stručnu i naučno-tehničku saradnju iz ove oblasti; određivanje oblika i dimenzija zemlje, upoređivanje nivoa pojedinih mora i okeana, izučavanje spuštanja i izdizanja zemljine kore, probleme iz oblasti zemljinog magnetizma itd., vođenje tehničke arhive originala planova i karata osnovnih geodetskih radova i drugih podataka dobivenih vršenjem geodetskih radova; inspekcijски nadzor nad poslovima premjera i katastra nekretnina, katastra zemljišta, katastra komunalnih uređaja; komasaciju zemljišta i premjeravanje zemljišta za posebne potrebe; svojinsko-pravne i druge stvarno-pravne odnose na nekretninama; pravni režim društvene svojine na nekretninama; imovinsko-pravne odnose na zemljištu i zgradama; evidenciju na nekretninama i pravima na nekretnine; imovinsko-pravne poslove u vezi sa nekretninama na kojima Republika ima pravo raspolaganja i davanje prijedloga za reprivatizaciju imovine.

Član 24.

Uprava za boračko-invalidsku zaštitu Republike Bosne i Hercegovine vrši upravne i druge stručne poslove koji se odnose na: zaštitu boraca pripadnika Oružanih snaga Republike Bosne i Hercegovine i boraca drugih oslobođilačkih ratova i učesnika oslobođilačkih pokreta; zaštitu ratnih i mirnodopskih vojnih invalida; zaštitu članova porodica poginulih, nestalih ili umrlih boraca kao i umrlih ratnih i mirnodopskih vojnih invalida; izgradnju i uređenje spomen obilježja boraca pripadnika Oružanih snaga Republike Bosne i Hercegovine i drugih spomen obilježja; finansiranje, održavanje i istraživanje spomen-obilježja za koja je to posebnim propisom određeno; održavanje grobalja i grobova pripadnika Oružanih snaga Republike Bosne i Hercegovine i stratišta nevinih žrtava rata; obilježavanje i održavanje grobalja pripadnika savezničkih i drugih stranih armija; nadzor nad korištenjem sredstava za boračko-invalidsku zaštitu i vođenje propisanih evidencija iz nadležnosti ove uprave.

Član 25.

Uprava carina Republike Bosne i Hercegovine vrši upravne i druge stručne poslove utvrđene zakonom.

3. Samostalne upravne organizacije Republike Bosne i Hercegovine

Član 26.

Samostalne upravne organizacije Republike Bosne i Hercegovine su:

1. Zavod za programiranje razvoja Republike Bosne i Hercegovine,
2. Zavod za statistiku Republike Bosne i Hercegovine,
3. Hidrometeorološki zavod Republike Bosne i Hercegovine,
4. Zavod za javnu upravu Republike Bosne i Hercegovine,
5. Zavod za geološka istraživanja Republike Bosne i Hercegovine,
6. Zavod za zaštitu kulturno-istorijskog i prirodnog naslijeđa Republike Bosne i Hercegovine,
7. Direkcija Republike Bosne i Hercegovine za raseljena lica i izbjeglice;
8. Arhiv Republike Bosne i Hercegovine.

Član 27.

Zavod za programiranje razvoja Republike Bosne i Hercegovine vrši istraživačke, stručno-analičke i druge poslove iz domena razvoja koji se odnose na: analizu faktora i mogućnosti privrednog razvoja i njihovu prezentaciju na domaćem i stranom tržištu; kreiranje strategije i programa razvoja i razradu mjera razvojne i ekonomske politike; analizu i programiranje unapređivanja strukturalnih odnosa u privrednom i društvenom razvoju (sektorsko, vlasničko, organizaciono i drugi oblici strukturalnih odnosa), programiranje korištenja, valorizacije i zaštite prirodnih resursa i mjera za njihovo ostvarivanje; izradu makro-ekonomskih bilansa, proporcija i globalnih agregata rasta; analiziranje odnosa u oblasti raspodjele; izradu potrebnih analiza, informacija i drugih publikacija o realizaciji programiranog razvoja; izradu redovnih publikacija o privrednoj konjukturi; praćenje i analizu razvoja po oblastima i granama privrede; koncipiranje programa naučno-istraživačkog rada od značaja za privredni razvoj i ekonomsku politiku; pripremu osnova za donošenje zakona i drugih propisa iz domena programiranja razvoja; davanje mišljenja i saglasnosti na materijale o usklađenosti mikro i makro-razvojnih rješenja; programiranje razvoja društvenih djelatnosti u skladu sa strategijom privrednog razvoja; regionalni razvoj i sistem njegovog podsticanja; pripremu analitičkih podloga i izradu komparativnih analiza za utvrđivanje stepena razvijenosti pojedinih područja i odgovarajuću saradnju sa institucijama koje se bave pitanjima razvoja u zemlji i inostranstvu.

Zavod za programiranje razvoja Republike Bosne i Hercegovine ima svojstvo pravnog lica.

Član 28.

Zavod za statistiku Republike Bosne i Hercegovine vrši stručne i druge poslove koji se odnose na statistička istraživanja u Republici, a naročito na: prikupljanje, obradu i publikovanje statističkih podataka; utvrđivanje jedinstvene metodologije statističkih istraživanja; jedinstvene statističke standarde; razvijanje statističkog informacionog sistema; organizaciju i funkcionisanje statističke službe, vođenje jedinstvenih registara (prostornih jedinica, stanovništva, preduzeća, samostalnih radnji i dr.); evidencije propisane zakonom i davanje statističkih podataka drugim državama i međunarodnim organizacijama koji proističu iz obaveza utvrđenih međunarodnim ugovorima.

Zavod za statistiku Republike Bosne i Hercegovine ima svojstvo pravnog lica.

Član 29.

Hidrometeorološki zavod Republike Bosne i Hercegovine vrši stručne i druge poslove koji se odnose na: razvoj i funkcionisanje hidrološke, meteorološke i seizmološke djelatnosti; istraživanje atmosfere, vodnih resursa, kvaliteta vazduha i voda i seizmoloških procesa; prikupljanje, obrađivanje i objavljivanje hidrometeoroloških i seizmoloških podataka od interesa za Republiku i vršenje drugih poslova u oblasti hidrologije, meteorologije i seizmologije.

Hidrometeorološki zavod Republike Bosne i Hercegovine ima svojstvo pravnog lica.

Član 30.

Zavod za javnu upravu Republike Bosne i Hercegovine vrši stručne i druge poslove koji se odnose na: unapređivanje rada i organizacije državne uprave; uvođenje savremenih tehničkih sredstava i metoda rada u državnim organima; dohodak i raspodjelu sredstava za lične dohotke u državnim organima; stručno obrazovanje i usavršavanje radnika u republikoj i

opštinskoj upravi; organizaciju i razvoj skupštinskog sistema i mjesnih zajednica; izborni sistem i izbor odbornika i poslanika u skupštine društveno-političkih zajednica; organizaciju, saradnju i udruživanje opština; političko-teritorijalnu organizaciju Republike; organizaciju informaciono-dokumentacionog centra republičkih organa uprave i izdavanje publikacija iz oblasti javne uprave.

Zavod za javnu upravu Republike Bosne i Hercegovine ima svojstvo pravnog lica.

Član 31.

Zavod za geološka istraživanja Republike Bosne i Hercegovine vrši stručne poslove koji se odnose na: osnovna, detaljna i razvojna geološka istraživanja; izradu osnovnih karata geofizičkih, seizmoloških, hidrogeoloških, inženjersko-geoloških, geotermalnih, mineralogenetskih, geohemijskih, geomorfoloških i drugih karata; izradu geoloških podloga za prostorno uređenje i zaštitu životne okoline; vođenje, deponovanje, čuvanje podataka značajnih za geološki informacioni sistem; laboratorijska ispitivanja stijena, čvrstih mineralnih sirovina i voda, kao i fizičko-mehanička svojstva stijena i tla; izradu višegodišnjih programa, pripremu i program štampanja geoloških karata; naučno-istraživački rad u oblasti geologije i izdavačku djelatnost.

Zavod za geološka istraživanja ima svojstvo pravnog lica.

Član 32.

Zavod za zaštitu kulturno-istorijskog i prirodnog naslijeđa Republike Bosne i Hercegovine vrši stručne i druge poslove koji se odnose na: evidentiranje, istraživanje i vrednovanje dobara koji uživaju prethodnu zaštitu; utvrđivanje svojstva dobara; vođenje registra i dokumentacije dobara; pripremanje uvjeta za proglašenje dobara zaštićenim i proglašenje dobara zaštićenim; čuvanje, održavanje i pravilno korištenje dobara; sprečavanje uništenje dobara i zabrana sva radnje kojom bi se mogli posredno ili neposredno narušiti autentično svojstvo dobara; konzervaciju, restauraciju, adaptaciju i revitalizaciju dobara; zabrana od trajnog iznošenja dobara, kontrolu i ograničenje privremenog iznošenja iz zemlje, staranje o jedinstvenoj primjeni kriterija za kategorizaciju i o postupku za kategorizaciju dobara, kulturno-istorijskog i prirodnog naslijeđa, praćenje i proučavanje stanja u oblasti zaštite i korištenje kulturno-istorijskog i prirodnog naslijeđa i naučno-istraživački rad u oblasti kulturno-istorijskog i prirodnog naslijeđa.

Zavod za zaštitu kulturno-istorijskog i prirodnog naslijeđa Republike Bosne i Hercegovine ima svojstvo pravnog lica.

Član 33.

Direkcija Republike Bosne i Hercegovine za raseljena lica i izbjeglice vrši stručne i druge poslove koji se odnose na: snimanje stanja i obradu svih relevantnih podataka o izbjeglicama izvan teritorije Republike (porijeklo izbjeglih lica, osnovna struktura izbjeglog kontingenta stanovništva i dr.); snimanje stanja i obradu podataka raseljenih lica na teritoriji Republike; prihvati i brigu o izbjeglicama i raseljenim licima; stvaranje uslova za povratku izbjeglica i raseljenih lica u prvobitna mjesta stanovanja; saradnju sa međunarodnim organizacijama i institucijama za brigu o izbjeglicama i raseljenim licima i saradnju sa vladama i drugim nadležnim organima i organizacijama zemalja boravka izbjeglica i raseljenih lica; saradnju sa državnim organima i organizacijama u Republici za brigu o izbjeglicama i raseljenim licima i kontinuiranu i ažurnu informatičku obradu svih relevantnih podataka vezanih za izbjeglice i raseljena lica.

Direkcija Republike Bosne i Hercegovine za izbjeglice i raseljena lica ima svojstvo pravnog lica.

Član 34.

Arhiv Bosne i Hercegovine vrši stručne i druge poslove koji se odnose na: preuzimanje, sređivanje, obradu, zaštitu i korištenje arhivske građe i registratorskog materijala; izradu metodskih uputstava, standarda i normativa za arhivsku djelatnost; razvoj arhivske djelatnosti u Republici; mjere obezbjeđenja i zaštite arhivske građe; stručni nadzor nad čuvanjem i zaštitom registratorskog materijala i arhivske građe i odabiranjem arhivske građe iz registratorskog materijala; stručno usavršavanje radnika arhivske službe i naučno-istraživački i publicistički rad.

Arhiv Republike Bosne i Hercegovine ima svojstvo pravnog lica.

IV - PRELAZNE I ZAVRŠNE ODREDBE

Član 35.

Dana 30. septembra 1992. godine ukidaju se i prestaju da rade:

1. Ministarstvo razvoja, nauke i tehnologije,
2. Ministarstvo trgovine, turizma i preduzetništva - Ministarstvo trgovine, turizma i poduzetništva,
3. Ministarstvo obrazovanja,
4. Ministarstvo kulture i sporta.

Član 36.

Dana 1. oktobra 1992. godine počinju da rade sa položajima i djelokrugom utvrđenim ovom uredbom:

1. Ministarstvo obnove,
2. Ministarstvo robnog prometa, preduzetništva i turizma
3. Ministarstvo obrazovanja, nauke, kulture i sporta
4. Uprava carina Republike Bosne i Hercegovine,
5. Zavod za programiranje razvoja Republike Bosne i Hercegovine,
6. Zavod za geološka istraživanja Republike Bosne i Hercegovine,
7. Zavod za zaštitu kulturno-istorijskog naslijeđa Republike Bosne i Hercegovine;
8. Direkcija Republike Bosne i Hercegovine za raseljena lica i izbjeglice,
9. Zavod za međunarodnu naučno-tehničku i kulturno-prosvjetnu saradnju Republike Bosne i Hercegovine - u sastavu Ministarstva inostranih poslova - Ministarstva inozemnih poslova,
10. Zavod za standardizaciju, mjeriteljstvo i patente Republike Bosne i Hercegovine - u sastavu Ministarstva energetike, rudarstva i industrije,
11. Direkcija Republike Bosne i Hercegovine za proizvodnju naoružanja i vojne opreme - u sastavu Ministarstva energetike, rudarstva i industrije,
12. Direkcija Republike Bosne i Hercegovine za robne rezerve u sastavu Ministarstva robnog prometa, preduzetništva i turizma - Ministarstva robnog prometa, poduzetništva i turizma,
13. Agencija Republike Bosne i Hercegovine za preduzetništvo - u sastavu Ministarstva robnog prometa, preduzetništva

i turizma - Ministarstva robnog prometa, poduzetništva i turizma,

14. Direkcija Republike Bosne i Hercegovine za civilnu vazdušnu plovidbu - u sastavu Ministarstva saobraćaja i veza - Ministarstva prometa i veza,

15. Direkcija Republike Bosne i Hercegovine za sisteme veze - u sastavu Ministarstva saobraćaja i veza - Ministarstva prometa i veza,

16. Agencija Republike Bosne i Hercegovine za prijem i distribuciju humanitarne pomoći - u sastavu Ministarstva rada i socijalne politike.

Član 37.

Dana 1. oktobra 1992. godine nastavljaju da rade sa djelokrugom utvrđenim ovom uredbom:

1. Ministarstvo unutrašnjih poslova - Ministarstvo unutrašnjih poslova,

2. Ministarstvo odbrane - Ministarstvo obrane,

3. Ministarstvo inostranih poslova - Ministarstvo inostranih poslova,

4. Ministarstvo pravosuđa i uprave,

5. Ministarstvo finansija - Ministarstvo finansija,

6. Ministarstvo energetike, rudarstva i industrije,

7. Ministarstvo poljoprivrede i prehrambene industrije,

8. Ministarstvo šumarstva i drvne industrije - kao Ministarstvo šumarstva i industrije za preradu drveta,

9. Ministarstvo vodoprivrede,

10. Ministarstvo saobraćaja i veza - Ministarstvo prometa i veza,

11. Ministarstvo prostornog uređenja, građevinarstva i zaštite okoline - Ministarstvo prostornog uređenja, graditeljstva i zaštite okoliša,

12. Ministarstvo zdravlja,

13. Ministarstvo rada, socijalne zaštite i porodice - kao Ministarstvo rada i socijalne politike,

14. Ministarstvo vjera,

15. Republička uprava za geodetske i imovinsko-pravne poslove - kao Uprava za geodetske i imovinsko-pravne poslove Republike Bosne i Hercegovine,

16. Republička uprava za boračko-invalidsku zaštitu - kao Uprava za boračko-invalidsku zaštitu Republike Bosne i Hercegovine,

17. Republička uprava društvenih prihoda - kao Uprava prihoda Republike Bosne i Hercegovine,

18. Republički zavod za statistiku - kao Zavod za statistiku Republike Bosne i Hercegovine,

19. Republički hidrometeorološki zavod - kao Hidrometeorološki zavod Republike Bosne i Hercegovine,

20. Republički zavod za javnu upravu - kao Zavod za javnu upravu Republike Bosne i Hercegovine,

21. Arhiv Bosne i Hercegovine - kao Arhiv Republike Bosne i Hercegovine.

Član 38.

Poslove ukinutih ministarstava preuzimaju, u skladu sa djelokrugom utvrđenim ovom uredbom, sljedeća ministarstva i zavod:

1. Ministarstvo robnog prometa, preduzetništva i turizma - poslove Ministarstva trgovine, turizma i preduzetništva,

2. Ministarstvo obrazovanja, nauke, kulture i sporta - poslove Ministarstva obrazovanja, Ministarstva kulture i sporta

i poslove Ministarstva razvoja, nauke i tehnologije koji se odnose na nauku,

3. Zavod za programiranje razvoja Republike Bosne i Hercegovine - poslove Ministarstva razvoja, nauke i tehnologije koji se odnose na razvoj.

Član 39.

Zavod za kulturno-istorijsko i prirodno naslijeđe Republike Bosne i Hercegovine preuzima poslove Republičkog zavoda za zaštitu kulturno-istorijskog i prirodnog naslijeđa.

Član 40.

Ministarstva iz čl. 36. i 37. ove uredbe preuzimaju radnike ministarstava iz člana 35. koji su se na dan 30. septembra 1992. godine zatekli u radnom odnosu kod tih ministarstava.

Član 41.

Ministarstvo energetike, rudarstva i industrije preuzima, po potrebi, radnike koji su se na dan stupanja na snagu ove uredbe zatekli u Republici na poslovima preuzetim od Saveznog zavoda za standardizaciju, Saveznog zavoda za patente i Saveznog zavoda za mjere i dragocjene metale.

Ministarstvo energetike, rudarstva i industrije preuzima i upravljanje poslovnim prostorom, opremu, inventar i druge stvari kao i sredstva za rad i sredstva na žiro-računima organizacionih jedinica Saveznog zavoda za standardizaciju, Saveznog zavoda za patente i Saveznog zavoda za mjere i dragocjene metale na teritoriji Republike.

Član 42.

Ministarstvo finansija preuzima, po potrebi, radnike koji su se na dan stupanja na snagu ove uredbe zatekli u Republici na poslovima preuzetim od Saveznog deviznog inspektorata.

Ministarstvo finansija preuzima i upravljanje poslovnim prostorom, opremu, inventar i druge stvari kao sredstva za rad i sredstva na žiro-računu organizacione jedinice Saveznog deviznog inspektorata na teritoriji Republike.

Član 43.

Zavod za geološka istraživanja Republike Bosne i Hercegovine preuzima sredstva rada, opremu, inventar, po potrebi, i radnike dosadašnjih institucija koje su se bavile geološkim istraživanjima.

Član 44.

Zavod za zaštitu kulturno-istorijskog i prirodnog naslijeđa Republike Bosne i Hercegovine preuzima, po potrebi, radnike koji su se na dan stupanja na snagu ove uredbe zatekli u radnom odnosu u Republičkom zavodu za zaštitu kulturno-istorijskog i prirodnog naslijeđa.

Zavod iz stava 1. ovog člana preuzima i upravljanje poslovnim prostorom, opremu, inventar i druge stvari, arhivu, akte, predmete i drugu dokumentaciju i sredstva za rad Republičkog zavoda za zaštitu kulturno-istorijskog i prirodnog naslijeđa.

Član 45.

Oprema, inventar i druge stvari, arhiva, akti, predmeti i druga dokumentacija i sredstva za rad ukinutih ministarstava iz člana 35. ove uredbe raspoređuju se na ministarstva iz člana 40. ove uredbe, istovremeno sa preuzimanjem poslova i radnika ukinutih ministarstava.

Član 46.

Oprema, inventar i druge stvari, kao i sredstva za rad ministarstava koji nastavljaju da rade sa izmijenjenim djelokru-

gom, raspoređuju se na ministarstva koja su preuzela njihove poslove i radnike, srazmjerno preuzetim poslovima, odnosno preuzetom broju radnika.

Član 47.

Primopredaja akata, predmeta, druge dokumentacije i arhive ministarstava iz člana 40. ove uredbe izvršiće se u skladu sa Uputstvom o postupku primopredaje službenih akata između ukinutih i novoobrazovanih organa uprave ("Službeni list SRBiH", broj 43/90).

Rješenje o raspoređivanju opreme, inventara i drugih stvari, arhive i dokumentacije, kao i službenih prostorija donosi Vlada Republike Bosne i Hercegovine na prijedlog Ministarstva pravosuđa i uprave i Službe za zajedničke poslove republičkih organa.

U Budžetu Republike za 1992. godinu, u skladu sa promjenama u organizaciji ministarstava, republičkih uprava i upravnih organizacija Republike Bosne i Hercegovine, utvrđenim ovom uredbom, izvršiće se odgovarajuće izmjene u okviru sredstava obezbijedenih za rad tih organa i organizacija.

Član 48.

Funkcioneri koji rukovode republičkim organima uprave i upravnim organizacijama Republike Bosne i Hercegovine donijet će, odnosno uskladiće sa odredbama ove uredbe pravilnike o unutrašnjoj organizaciji u roku od 15 dana od dana stupanja na snagu ove uredbe.

Član 49.

Radnicima koji budu preuzeti privremeno će se isplaćivati akontacija ličnog dohotka u skladu sa mjerilima utvrđenim odgovarajućim opštim aktom republičkog organa uprave, odnosno upravne organizacije Republike Bosne i Hercegovine koji ih preuzima.

Član 50.

Danom stupanja na snagu ove uredbe prestaje da važi Uredba sa zakonskom snagom o ministarstvima i drugim republičkim organima uprave i republičkim upravnim organizacijama ("Službeni list RBiH", broj 5/92).

Član 51.

Ova uredba stupa na snagu danom objavljivanja u "Službenom listu RBiH".

PR broj 1329/92
7. oktobra 1992. godine
Sarajevo

Zamjenjuje predsjednika
Predsjedništva RBiH,
prof. dr Ejup Ganić, s.r.

416

Na osnovu Amandmana LI tačka 5. stav 3. na Ustav Republike Bosne i Hercegovine i člana 1. Uredbe sa zakonskom snagom o dopunama Uredbe sa zakonskom snagom o obrazovanju i radu okruga, Predsjedništvo Republike Bosne i Hercegovine, na sjednici održanoj 7. oktobra 1992. godine, donijelo je

ODLUKU

O IZBORU PREDSEDNIKA I ČLANOVA RATNOG PREDSEDNIŠTVA SKUPŠTINE OPŠTINE TESLIĆ

I

Za predsjednika Ratnog predsjedništva Skupštine opštine Teslić, izabran je DŽEVAD TRAKOVIĆ, dipl. ecc.

II

Za članove Ratnog predsjedništva Skupštine opštine Teslić, izabrani su:

- ESAD AHMETASEVIĆ, dipl. ecc.

- ŠABAN SIVIĆ, dipl. ecc.

U cilju obezbjeđenja nacionalne zastupljenosti, Ratno predsjedništvo predložio izbor potrebnog broja članova Predsjedništva iz reda srpskog naroda.

III

Predsjedništvo Skupštine opštine Teslić vršiće funkciju u smislu člana 273. Ustava Republike Bosne i Hercegovine za vrijeme dok se ne steknu uslovi za izbor Predsjedništva od strane legalnih organa Skupštine opštine Teslić.

Predsjedništvo je dužno u što kraćem roku da svoje funkcije obavlja na području slobodnog dijela opštine i obezbijedi rad ostalih državnih organa, organizacija i ustanova.

IV

Ova odluka stupa na snagu danom donošenja, a objaviće se u "Službenom listu RBiH".

Broj 02-111-772/92
7. oktobra 1992. godine
Sarajevo

Zamjenjuje predsjednika
Predsjedništva RBiH,
prof. dr Ejup Ganić, s.r.

417

Na osnovu člana 45. stav 1. Zakona o Vladi Republike Bosne i Hercegovine ("Službeni list SRBiH", broj 33/90 i "Službeni list RBiH", broj 4/92), Vlada Republike Bosne i Hercegovine, donosi

UREDBU

O OSNIVANJU SEKRETARIJATA ZA EKONOMSKI ODNOS SA INOSTRANSTVOM

Član 1.

Ovom uredbom osniva se Sekretarijat za ekonomske odnose sa inostranstvom Vlade Republike Bosne i Hercegovine (u daljem tekstu: Sekretarijat).

Član 2.

Sekretarijat obavlja stručne i druge poslove iz oblasti ekonomskih odnosa Republike Bosne i Hercegovine (u daljem tekstu: Republika) sa inostranstvom, a koji se odnose na:

1. pripremu, izradu i predlaganje propisa kojima se regulišu ekonomski odnosi sa inostranstvom, evidentiranje i bilansiranje sveukupne spoljnotrgovinske razmjene sa inostranstvom; razvrstavanje roba po režimima;

2. registraciju ugovora o stranim ulaganjima u zemlji kao i ulaganjima domaćih subjekata u inostranstvu; uvozu i izvozu materijalnih prava po osnovu tehnologije i industrijske svojine; izvođenju investicionih radova u inostranstvu; izvođenju investicionih radova stranog izvođača u Republici; ustupljenim koncesijama inostranim koncesionarima; vršenju registracije poslovnih jedinica stranih firmi u Republici;

3. pripremu i zaključivanje sporazuma koji se odnose na međunarodnu ekonomsku saradnju sa međunarodnim organizacijama i sa pojedinim zemljama; obavljanje svih pripremnih radnji za uspješan rad državnih komiteta za ekonomsku saradnju sa pojedinim zemljama;

4. analiziranje i izvještavanje o efikasnosti nastupa na inostranom tržištu privrede Republike i njenih subjekata; predlaganje mjera za aktivniji i efikasniji nastup na inostranom tržištu; predlaganje mjera za unapređenje aktivne i pasivne zaštite privrede Republike prema inostranstvu;

5. davanje saglasnosti za registraciju preduzeća za obavljanje spoljnotrgovinskog prometa; vođenje registara i realizacije mjera osposobljavanja kadrova za rad na poslovima spoljnotrgovinske razmjene, kao i druge poslove koje odredi Vlada Republike Bosne i Hercegovine.

Član 3.

Radom Sekretarijata rukovodi sekretar, koji imenuje Vlada Republike Bosne i Hercegovine i koji u pogledu rukovođenja radom Sekretarijata ima prava i dužnosti ministra koji rukovodi ministarstvom odnosno funkcionera koji rukovodi drugim republičkim organom uprave.

Sekretar može imati zamjenika.

Član 4.

Ova uredba stupa na snagu danom objavljivanja u "Službenom listu R BiH".

V. broj 119/92

Potpredsjednik

20. septembra 1992. godine
Sarajevo

Vlade R BiH,
Haklja Turajlić, s.r.

418

Na osnovu člana 11. Zakona o Vladi Republike Bosne i Hercegovine ("Službeni list SR BiH", broj 33/90 i "Službeni list R BiH", broj 4/92) i člana 19. tačke 5. Poslovnika o radu Vlade Republike Bosne i Hercegovine za vrijeme ratnog stanja ("Službeni list R BiH", broj 10/92), Vlada Republike Bosne i Hercegovine, donosi

ODLUKU

O OBRAZOVANJU KOMISIJE ZA ADMINISTRATIVNA PITANJA VLADE REPUBLIKE BOSNE I HERCEGOVINE

I

Obrazuje se Komisija za administrativna pitanja Vlade Republike Bosne i Hercegovine (u daljem tekstu: Komisija) u sastavu:

1. Dr HASAN MURATOVIĆ, predsjednik Komisije, ministar šumarstva i industrije prerade drveta,
2. MARTIN RAGUŽ, zamjenik predsjednika, ministar za rad i socijalnu politiku,
3. Prof. dr NIKOLA KOVAČ, član, ministar obrazovanja, nauke, kulture i sporta,
4. SEAD DAUTBAŠIĆ, član, sekretar Sekretarijata za zakonodavstvo Vlade R BiH,
5. ENES GOTOVUŠA, član, sekretar Vlade R BiH

Sekretar Vlade Republike Bosne i Hercegovine (u daljem tekstu: Vlada) određuje sekretara Komisije.

II

Komisija razmatra pitanja koja se odnose na zahtjeve za priznavanje prava na izuzetnu penziju po osnovu Uredbe sa zakonskom snagom o pravu na izuzetnu penziju za pripadnike oružanih snaga Republike Bosne i Hercegovine, na uskladjivanje i prestanak prava na izuzetnu penziju po osnovu Zakona o penzijskom i invalidskom osiguranju i podnosi prijedloge Vla-

di; donosi u ime Vlade rješenja o uvođenju na posjed nepokretnosti prije pravosnažnosti rješenja o eksproprijaciji, donosi rješenja o primanjima i naknadama funkcionera i rukovodećih radnika iz nadležnosti Vlade; rješava po zahtjevima za zaštitu zakonitosti u smislu člana 262. stav 4. Zakona o opštem upravnom postupku, kao i žalbama protiv rješenja funkcionera koji rukovodi republičkim organom uprave o prestanku radnog odnosa u smislu člana 326. Zakona o državnoj upravi, te rješava o drugim administrativnim pitanjima.

III

Stručne i administrativne poslove za potrebe Komisije vršće Stručna služba Vlade u saradnji sa nadležnim ministarstvima iz čije oblasti je predmet rješavanja pred Komisijom.

IV

Ova odluka stupa na snagu danom objavljivanja u "Službenom listu R BiH".

V. broj 135/92

Potpredsjednik

5. oktobra 1992. godine
Sarajevo

Vlade R BiH,
Haklja Turajlić, s.r.

419

Na osnovu člana 16. tačka 19. Uredbe sa zakonskom snagom o obrani ("Službeni list R BiH", broj 4/92) u vezi sa članom 45. stav 2. Zakona o Vladi Republike Bosne i Hercegovine ("Službeni list SR BiH", broj 33/90 i "Službeni list R BiH", broj 4/92), Vlada Republike Bosne i Hercegovine, donosi

ODLUKU

O PRODAJI ZALIH ROBA KOJE SE NALAZE NA TERITORIJAMA DRUGIH DRŽAVA

I

Preduzeća sa sjedištem na teritoriji Republike Bosne i Hercegovine, dužna su da bez odlaganja prodaju robu iz uvoza koja se neće upotrebljavati za vrijeme rata i robe namijenjene izvozu, koje zbog ratnih dejstava ili zbog drugih razloga nisu isporučene krajnjim kupcima, a nalaze se na teritorijama drugih država.

II

U cilju što bržeg prikupljanja sredstava, vršće se prodaja roba iz tačke I ove odluke, sa mjesta na kojima su se zatekle na dan donošenja ove odluke.

III

Naplaćena sredstva od prodate robe iz tačke I ove odluke po odbitku troškova prodaje, koristeće se za odbrambene potrebe Republike Bosne i Hercegovine i prodavac je dužan da ih uplati na račun koji odredi Ministarstvo finansija.

IV

Vlada Republike Bosne i Hercegovine će vlasnicima sredstava od prodatih roba iz tačke I ove odluke osigurati dinarsku protivvrijednost po kursu koji odredi Narodna Banka Bosne i Hercegovine.

V

Robe iz tačke I ove odluke koje se ne prodaju u roku od 30 dana od dana stupanja na snagu ove odluke, prodaje u ime Vlade Republike Bosne i Hercegovine, Republička direkcija za robne rezerve na javnoj dražbi ili na drugi način, a sredstva od

prodaje pripašće državi Bosni i Hercegovini, za namjene iz tačke III ove odluke.

VI

Vlasnici roba koje su se 1. aprila 1992. godine zatekle na teritorijama republike bivše SFRJ, namijenjenih za prodaju na tim tržištima (u prodavnicama i skladištima), dužni su sredstva od njihove prodaje ustupiti Republici Bosni i Hercegovini.

Vlada Republike Bosne i Hercegovine izvršit će obeštećenje vlasnicima roba, na način predviđen u tači IV ove odluke.

VII

Ova odluka stupa na snagu danom objavljivanja u "Službenom listu RBiH".

V. broj 148/92

Predsjednik

5. oktobra 1992. godine

Vlade RBiH,

Sarajevo

Jure Pelivan, s.r.

420

Na osnovu člana 16. tačka 19. Uredbe sa zakonskom snagom o obrani ("Službeni list RBiH", br. 4/92 i 9/92), i člana 45. Zakona o Vladi Republike Bosne i Hercegovine ("Službeni list RBiH", broj 33/90 i "Službeni list RBiH", broj 4/92), Vlada Republike Bosne i Hercegovine, donosi

ODLUKU

O PRIORITETIMA U SNABDIJEVANJU
ENERGENTIMA I ENERGIJOM

I

Utvrđuju se prioriteti u procesu snabdijevanja korisnika energentima i energijom, za vrijeme ratnog stanja ili neposredne ratne opasnosti, na teritoriji Republike Bosne i Hercegovine (u daljem tekstu: Republika).

Pod energentima i energijom, u smislu ove odluke, podrazumijevaju se: uglj, derivati nafte (motorni benzin, plinska ulja, tečni naftni gas, ulje za loženje, bitumen, kerolin i dr.), prirodni gas, električna energija, kao i drugi energenti i oblici energije.

II

Isporuke energenata i energije sa dijelova teritorije Republike koji su pod kontrolom legalnih organa Republike, na dijelove teritorije Republike koje je privremeno zaposjeo agresor, mogu se vršiti samo na osnovu saglasnosti koju izdaje Ministarstvo energetike, rudarstva i industrije (u daljem tekstu: Ministarstvo).

Saglasnost iz stava 1. ove tačke Ministarstvo može izdati na osnovu posebno obrazloženih zahtjeva isporučilaca energenata i energije, samo u izuzetnim slučajevima, kada to nalažu zahtjevi humanosti i racionalnosti.

III

Pod prioritetom u procesu snabdijevanja energentima i energijom podrazumijeva se snabdijevanje korisnika svim energentima i oblicima energije, neophodnim za obavljanje registrovane djelatnosti korisnika, po osnovu koje se obezbjeđuje prioriteta isporuka energenata i energije.

IV

Prioritet u snabdijevanju energentima i energijom ima Armija Republike Bosne i Hercegovine (u daljem tekstu: Armija RBiH), i oni korisnici energenata i energije koji rade neposredno za potrebe Armije RBiH.

V

Korisnici u niže navedenoj listi imaju prioritet u snabdijevanju energentima i energijom, prema redoslijedu:

1. korisnici koji obavljaju djelatnost zdravstvene zaštite i srodne djelatnosti;

2. Ministarstvo unutrašnjih poslova;

3. korisnici koji obavljaju djelatnost socijalne zaštite, rad stacionara za raseljena lica, izbjeglice i druge kategorije stanovništva i korisnici koji obavljaju humanitarnu djelatnost;

4. korisnici koji obavljaju cestovni, željeznički ili vazdušni (putnički ili teretni), saobraćaj za humanitarne potrebe stanovništva;

5. korisnici koji obavljaju djelatnost snabdijevanja stanovništva hranom, energentima i energijom, higijenskim potrebama, pićem i duhanom, uključujući i potrebe transportnih sredstava za tu namjenu;

6. korisnici koji organizuju rad komunalnih djelatnosti (snabdijevanje vodom, električnom i toplom energijom, prirodnim plinom, pit, uklanjanje otpadaka i dr.);

7. korisnici koji obavljaju informativnu djelatnost (televizija, radio i štampa);

8. sektor proizvodnje i prerade uglja;

9. sektor elektroprivrede;

10. korisnici koji obavljaju djelatnosti priprema ogreva drveta i drugih energenata za korišćenje;

11. sektor poljoprivrede (stvarstvo, stočarstvo, ribarstvo, voćarstvo, vinogradarstvo) i proizvodnje hrane, posebno mlinsko-pekarska industrija, industrija za preradu mljeka, proizvodnju stočne hrane, proizvodnju pića i preradu duhana;

12. korisnici koji obavljaju djelatnost javnog gradskog saobraćaja, taksi službe, međugradskog i prigradskog saobraćaja;

13. djelatnost građevinske operativne angažovane u procesu sanacije ratom razrušenih objekata i izgradnje objekata za smještaj raseljenih lica i izbjeglica;

14. korisnici koji organizuju reciklažu sirovina i otpadnih materijala;

15. korisnici koji obavljaju finansijske i srodne djelatnosti;

16. organi državne uprave;

17. sektor proizvodnje pijeska i kamena, proizvodnja građevinskih materijala i rezane građe;

18. sektor proizvodnje predela i tkanina, proizvodnja gotovih tekstilnih proizvoda, proizvodnja kože, obuće i galanterije;

19. sektor proizvodnje i prerade drveta, grafičke i slične djelatnosti;

20. ostali korisnici.

VI

Izvršni odbori opština odnosno Izvršni odbor grada Sarajeva, ili organi uprave koje oni ovlaste, raspoređuju one količine energenata i energije koje im odobri i doznači Ministarstvo, na osnovu Odluke o stavljanju pod kontrolu raspodjele energenata u Republici Bosni i Hercegovini ("Službeni list RBiH", broj 12/92).

VII

Raspoređivanje energenata i energije, organi iz tačke VI ove odluke vrše korisnicima, nezavisno od oblika svojine nad sredstvima kojima posluju, uz uslov da svoj zahtjev za energentima i energijom dokumentuju podacima o nivou korištenja

energenata i energije tokom istog perioda prethodne godine i podacima o obavljenoj djelatnosti, izraženim u fizičkim i finansijskim pokazateljima.

Svaki naredni zahtjev za prioritetnu isporuku energenata i energije dokumentuje se podacima o obavljenoj djelatnosti, odnosno zadovoljavanju neophodnih potreba, u skladu sa stavom 1. ove tačke.

Ispunjavanju uslova iz st. 1. i 2. ove tačke, ne podliježu subjekti iz tačke IV ove odluke.

VIII

Prioritet u procesu snabdijevanja energentima i energijom, u slučaju jednakih uslova, imaju korisnici koji obavljaju izvozno orijentisane djelatnosti.

IX

Za praćenje i realizaciju ove odluke zadužuje se Ministarstvo, o čemu je dužno izvijestiti Vladu Republike Bosne i Hercegovine, najmanje jednom mjesečno.

X

Danom stupanja na snagu ove odluke prestaje da važi Odluka o prioritetima snabdijevanja tržišta Republike Bosne i Hercegovine energentima ("Službeni list SRBiH", broj 33/91).

XI

Ova odluka stupa na snagu danom objavljivanja u "Službenom listu RBiH".

V. broj 120/92
1. oktobra 1992. godine
Sarajevo

Potpredsjednik
Vlade RBiH,
Hakija Turajlić, s.r.

421

Na osnovu člana 16. stav 1. tač. 7. i 12. i člana 67. Uredbe sa zakonskom snagom o odobrani ("Službeni list RBiH", br. 4/92 i 9/92) i člana 45. stav 2. Zakona o Vladi Republike Bosne i Hercegovine ("Službeni list SRBiH", broj 33/91 i "Službeni list RBiH", broj 4/92), Vlada Republike Bosne i Hercegovine, donosi

ODLUKU

**O IZUZIMANJU MATERIJALNO-TEHNIČKIH
SREDSTAVA ZA POTREBE ORUŽANIH SNAGA
REPUBLIKE BOSNE I HERCEGOVINE**

I

Obavezuju se sva društveno-pravna lica, vlasnici privatnih preduzeća i radnji koji djelatnost obavljaju na teritoriji Republike Bosne i Hercegovine, da u Ministarstvu odbrane Republike Bosne i Hercegovine, odmah stave na raspolaganje sve zalihe repromaterijala (zalihe tekstila, kože, drugih materijala za proizvodnju odjeće i obuće) kao i gotovih proizvoda, za potrebe Oružanih snaga Republike Bosne i Hercegovine.

II

Ovu odluku izvršiće Ministarstvo odbrane neposredno i putem okružnih sekretarijata odbrane i okružnih sekretarijata privrede.

III

Ministarstvo odbrane za izuzeta materijalno-tehnička sredstva iz tačke I ove odluke izdaće odgovarajuće naloge i isprave.

IV

Za izuzeta materijalno-tehnička sredstva prema ovoj odluci isplaćuje se naknada, što će se regulisati posebnim propisom Vlade Republike Bosne i Hercegovine.

V

Ova odluka stupa na snagu danom donošenja.

VI

Ovu odluku objaviti u "Službenom listu Armije RBiH" i "Službenom listu RBiH".

V. 118/92
27. septembra 1992. godine
Sarajevo

**Potpredsjednik
Vlade RBiH,
Hakija Turajlić, s.r.**

|||||

422

Na osnovu člana 14. stav 4. Uredbe sa zakonskom snagom o obrazovanju i radu okruga ("Službeni list RBiH", br. 12/92 i 14/92) i Vlada Republike Bosne i Hercegovine, donosi

ODLUKU

O BROJU I NAČINU IZBORA ODBORNIKA IZ SKUPŠTINA OPŠTINA I SKUPŠTINE GRADA SARAJEVA U SKUPŠTINE OKRUGA

I

Skupštine opština biraju u skupštinu okruga odbornike, i to:

a) u Skupštinu okruga BANJA LUKA bira se ukupno 33 odbornika, i to:

1. Opština Banja Luka bira 3 odbornika
2. Opština Bosanska Dubica bira 2 odbornika
3. Opština Bosanska Gradiska bira 2 odbornika
4. Opština Bosanski Novi bira 2 odbornika
5. Opština Čelinac bira 2 odbornika
6. Opština Jajce bira 2 odbornika
7. Opština Ključ bira 2 odbornika
8. Opština Kotor Varoš bira 2 odbornika
9. Opština Laktaši bira 2 odbornika
10. Opština Mrkonjić Grad bira 2 odbornika
11. Opština Prnjavor bira 2 odbornika
12. Opština Prijedor bira 2 odbornika
13. Opština Sanski Most bira 2 odbornika
14. Opština Skender Vakuf bira 2 odbornika
15. Opština Srbač bira 2 odbornika
16. Opština Šipovo bira 2 odbornika

b) u Skupštinu okruga BIHAĆ bira se ukupno 15 odbornika,
i to:

1. Opština Bihać bira 3 odbornika
2. Opština Bosansko Grahovo bira 2 odbornika
3. Opština Bosanska Krupa bira 2 odbornika
4. Opština Bosanski Petrovac bira 2 odbornika
5. Opština Cazin bira 2 odbornika
6. Opština Drvar bira 2 odbornika
7. Opština Velika Kladuša bira 2 odbornika

c) u Skupštinu okruga DOBOJ bira se 21 odbornik, i to:

1. Opština Doboj bira 3 odbornika

2. Opština Bošanski Brod bira 2 odbornika
3. Opština Bosanski Šamac bira 2 odbornika
4. Opština Derventa bira 2 odbornika
5. Opština Gračanica bira 2 odbornika
6. Opština Maglaj bira 2 odbornika
7. Opština Modriča bira 2 odbornika
8. Opština Odžak bira 2 odbornika
9. Opština Teslić bira 2 odbornika
10. Opština Tešanj bira 2 odbornika
- d) u Skupštinu okruga MOSTAR biraju se 33 odbornika, i to:
 1. Opština Mostar bira 3 odbornika
 2. Opština Bileća bira 2 odbornika
 3. Opština Čapljina bira 2 odbornika
 4. Opština Čitluk bira 2 odbornika
 5. Opština Gacko bira 2 odbornika
 6. Opština Grude bira 2 odbornika
 7. Opština Jablanica bira 2 odbornika
 8. Opština Konjic bira 2 odbornika
 9. Opština Široki Brijeg bira 2 odbornika
 10. Opština Ljubinje bira 2 odbornika
 11. Opština Ljubuški bira 2 odbornika
 12. Opština Neum bira 2 odbornika
 13. Opština Nevesinje bira 2 odbornika
 14. Opština Posušje bira 2 odbornika
 15. Opština Stolac bira 2 odbornika
 16. Opština Trebinje bira 2 odbornika
- e) u Skupštinu okruga SARAJEVO bira se 27 odbornika, i to:
 1. Skupština grada Sarajeva bira 13 odbornika
 2. Opština Breza bira 2 odbornika
 3. Opština Fojnica bira 2 odbornika
 4. Opština Kiseljak bira 2 odbornika
 5. Opština Kreševo bira 2 odbornika
 6. Opština Visoko bira 2 odbornika
 7. Opština Vareš bira 2 odbornika
 8. Opština Olovo bira 2 odbornika
 - f) u Skupštinu okruga TUZLA bira se 37 odbornika, i to:
 1. Opština Tuzla bira 3 odbornika
 2. Opština Banovići bira 2 odbornika
 3. Opština Bijeljina bira 2 odbornika
 4. Opština Bratunac bira 2 odbornika
 5. Opština Brčko bira 2 odbornika
 6. Opština Gradačac bira 2 odbornika
 7. Opština Kalesija bira 2 odbornika
 8. Opština Kladanj bira 2 odbornika
 9. Opština Lopare bira 2 odbornika
 10. Opština Lukavac bira 2 odbornika
 11. Opština Orašje bira 2 odbornika
 12. Opština Srebrenica bira 2 odbornika
 13. Opština Srebrenik bira 2 odbornika
 14. Opština Šekovići bira 2 odbornika
 15. Opština Ugljevik bira 2 odbornika
 16. Opština Vlasenica bira 2 odbornika
 17. Opština Zvornik bira 2 odbornika
 18. Opština Živnice bira 2 odbornika
 - g) u Skupštinu okruga ZENICA bira se 9 odbornika, i to:
 1. Opština Zenica bira 3 odbornika
 2. Opština Kakanj bira 2 odbornika
 3. Opština Zavidovići bira 2 odbornika
 4. Opština Žepče bira 2 odbornika
 - h) u Skupštinu okruga GORAŽDE bira se 19 odbornika, i to:
 1. Opština Goražde bira 3 odbornika
 2. Opština Čajniče bira 2 odbornika
 3. Opština Foča bira 2 odbornika
 4. Opština Han Pijesak bira 2 odbornika
 5. Opština Kalinovik bira 2 odbornika
 6. Opština Rogatica bira 2 odbornika
 7. Opština Rudo bira 2 odbornika
 8. Opština Sokolac bira 2 odbornika
 9. Opština Višegrad bira 2 odbornika
 - i) u Skupštinu okruga TRAVNIK bira se 15 odbornika, i to:
 1. Opština Travnik bira 3 odbornika
 2. Opština Bugojno bira 2 odbornika
 3. Opština Busovača bira 2 odbornika
 4. Opština Donji Vakuf bira 2 odbornika
 5. Opština Gornji Vakuf bira 2 odbornika
 6. Opština Novi Travnik bira 2 odbornika
 7. Opština Vitez bira 2 odbornika
 - j) u Skupštinu okruga LIVNO bira se 11 odbornika, i to:
 1. Opština Livno bira 3 odbornika
 2. Opština Glamoč bira 2 odbornika
 3. Opština Kupres bira 2 odbornika
 4. Opština Prozor bira 2 odbornika
 5. Opština Tomislavgrad bira 2 odbornika

II

Odbornici za skupštinu okruga biraju se iz reda odbornika skupštine opštine odnosno Skupštine grada Sarajeva. Izbor odbornika za skupštinu okruga vrši se na sjednici skupštine opštine, odnosno Skupštine grada Sarajeva, na prijedlog izvršnog odbora opštine, odnosno Izvršnog odbora grada Sarajeva.

III

Pri izboru odbornika u skupštinu okruga, vodi se računa da nacionalni sastav izabranih odbornika odgovara srazmjerno nacionalnom sastavu odbornika u skupštini opštine, odnosno Skupštini grada Sarajeva.

IV

Danom stupanja na snagu ove odluke prestaje da važi Odluka o broju i načinu izbora odbornika iz skupština opština i Skupštine grada Sarajeva u skupštine okruga ("Službeni list R BiH", broj 16/92).

V

Ova odluka stupa na snagu danom objavljivanja u "Službenom listu R BiH".

V. broj 112/92
27. septembra 1992. godine
Sarajevo

Predsjednik
Vlade R BiH,
Hakija Turajlić, s.r.

423

Na osnovu člana 10. Uredbe sa zakonskom snagom o carinskoj službi Republike Bosne i Hercegovine ("Službeni list RBiH", broj 12/92), Vlada Republike Bosne i Hercegovine na prijedlog Ministarstva finansija, donosi

ODLUKU

O OSNIVANJU CARINARNICE MOSTAR

I

Osniva se carinarnica Mostar (u daljem tekstu: Carinarnica) sa sjedištem u Mostaru.

Carinarnica počinje sa radom 15. oktobra 1992. godine.

II

U skladu sa članom 6. Uredbe sa zakonskom snagom o carinskoj službi Republike Bosne i Hercegovine ("Službeni list RBiH", broj 12/92) Carinska uprava Republike Bosne i Hercegovine će donijeti sve potrebne propise i uputstva za rad Carinarnice.

III

Ova odluka stupa na snagu danom objavljivanja u "Službenom listu RBiH".

V. broj 146
5. oktobra 1992. godine
Sarajevo

Potpredsjednik
Vlade RBiH,
Hakija Turajlić, s.r.

424

Na osnovu člana 10. tačka 19. Uredbe sa zakonskom snagom o odbrani ("Službeni list RBiH", br. 4/92 i 9/92), Vlada Republike Bosne i Hercegovine donosi

ODLUKU

O TROŠKOVIMA SAHRANE ŽRTAVA RATA

I

Troškove sahrane poginulih pripadnika oružanih snaga Republike Bosne i Hercegovine i civilnih žrtava rata snose skupštine općina, a sredstva se obezbjeđuju iz budžeta općine.

II

Obavezuju se pokopna preduzeća, u općinama, u kojima posluju, da sahranu lica iz tačke I ove odluke vrše po jedinstvenoj cijeni koja se utvrđuje u sporazumu sa izvršnim odborom opštine.

III

U općinama, u kojima nema pokopnih preduzeća, izvršni odbor općine utvrđuje način organizovanja i sprovođenja sahrane.

IV

Obavezuju se skupštine općina da u budžetima općina obezbijede sredstva za isplatu troškova iz tač. II i III ove odluke.

Za općine koje nemaju dovoljno sredstava za namjene iz tač. II i III ove odluke, sredstva se obezbjeđuju u republičkom budžetu.

V

Pravo na naplatu troškova iz tač. II i III ove odluke imaju preduzeća i druge organizacije koje odredi izvršni odbor općine za vršenje zadatka iz tač. II i III ove odluke. Osnov za naknadu predstavlja pismeni dokaz da su ta lica bila pripadnici oružanih snaga Republike Bosne i Hercegovine izdat od nadležnog štaba odbrane ili jedinice oružanih snaga Republike Bosne i Herce-

govine, odnosno nadležne općinske službe da se radi o civilnoj žrtvi rata.

VI

Ova odluka stupa na snagu danom objavljivanja u "Službenom listu RBiH".

V. broj 147/92
5. oktobra 1992. godine
Sarajevo

Potpredsjednik
Vlade RBiH,
Hakija Turajlić, s.r.

425

Na osnovu člana 22. Zakona o Vladi Republike Bosne i Hercegovine ("Službeni list RBiH", broj 33/90 i "Službeni list RBiH", broj 4/92), Vlada Republike Bosne i Hercegovine, donosi

RJEŠENJE

O RAZRJEŠENJU SEKRETARA VLADE REPUBLIKE BOSNE I HERCEGOVINE

Razrješava se dužnosti sekretar Vlade Republike Bosne i Hercegovine ŠAHBAZ DŽIHANOVIĆ, radi odlaska na drugu dužnost.

Ovo rješenje objaviti u "Službenom listu RBiH".

V. broj 123/92
5. oktobra 1992. godine
Sarajevo

Potpredsjednik
Vlade RBiH,
Hakija Turajlić, s.r.

426

Na osnovu člana 22. Zakona o Vladi Republike Bosne i Hercegovine ("Službeni list RBiH", broj 33/90 i "Službeni list RBiH", broj 4/92), Vlada Republike Bosne i Hercegovine, donosi

RJEŠENJE

O IMENOVANJU SEKRETARA VLADE REPUBLIKE BOSNE I HERCEGOVINE

Za sekretara Vlade Republike Bosne i Hercegovine imenuje se ENES GOTOVUŠA.

Ovo rješenje objaviti u "Službenom listu RBiH".

V. broj 122/92
5. oktobra 1992. godine
Sarajevo

Potpredsjednik
Vlade RBiH,
Hakija Turajlić, s.r.

427

Na osnovu člana 182. Zakona o državnoj upravi - Prečišćeni tekst ("Službeni list RBiH", br. 8/90, 22/90, 10/91 i 14/91 i "Službeni list RBiH", broj 4/92), Vlada Republike Bosne i Hercegovine, donosi

RJEŠENJE

O POSTAVLJENJU DIREKTORA UPRAVE PRIHODA REPUBLIKE BOSNE I HERCEGOVINE

Za direktora Uprave prihoda Republike Bosne i Hercegovine postavlja se JOSIP GOGALA.

Ovo rješenje objaviti u "Službenom listu RBiH".

V. broj 127/92
5. oktobra 1992. godine
Sarajevo

Potpredsjednik
Vlade RBiH,
Hakija Turajlić, s.r.

428

Na osnovu člana 188. Zakona o državnoj upravi - Prečišćeni tekst ("Službeni list SRBiH", br. 8/90, 22/90, 10/91 i 14/91 i "Službeni list RBiH", broj 4/92), Vlada Republike Bosne i Hercegovine, donosi

RJEŠENJE

O POSTAVLJENJU PODSEKRETARA U
MINISTARSTVU OBNOVE

Za podsekretara u Ministarstvu obnove postavlja se dr RADE KANCIR.

Ovo rješenje objaviti u "Službenom listu RBiH".

V. broj 128/92	Potpredsjednik
5. oktobra 1992. godine	Vlade RBiH,
Sarajevo	Hakija Turajlić, s.r.

429

Na osnovu člana 188. Zakona o državnoj upravi - Prečišćeni tekst ("Službeni list SRBiH", br. 8/90, 22/90, 10/91 i 14/91 i "Službeni list RBiH", broj 4/92), Vlada Republike Bosne i Hercegovine, donosi

RJEŠENJE

O POSTAVLJENJU PODSEKRETARA U
MINISTARSTVU ZA ROBNi PROMET,
PODUZETNIŠTVO I TURIZAM

Za podsekretara u Ministarstvu za robni promet, poduzetništvo i turizam postavlja se PETAR BAJEVIĆ.

Ovo rješenje objaviti u "Službenom listu RBiH".

V. broj 129/92	Potpredsjednik
5. oktobra 1992. godine	Vlade RBiH,
Sarajevo	Hakija Turajlić, s.r.

430

Na osnovu člana 188. Zakona o državnoj upravi - Prečišćeni tekst ("Službeni list SRBiH", br. 8/90, 22/90, 10/91 i 14/91 i "Službeni list RBiH", broj 4/92), Vlada Republike Bosne i Hercegovine, donosi

RJEŠENJE

O POSTAVLJENJU POMOĆNIKA MINISTRA
ZDRAVLJA

Za pomoćnika ministra zdravlja postavlja se dr SUAD SADIKOVIĆ.

Ovo rješenje objaviti u "Službenom listu RBiH".

V. broj 130/92	Potpredsjednik
5. oktobra 1992. godine	Vlade RBiH,
Sarajevo	Hakija Turajlić, s.r.

431

Na osnovu člana 188. Zakona o državnoj upravi - Prečišćeni tekst ("Službeni list SRBiH", br. 8/90, 22/90, 10/91 i 14/91 i "Službeni list RBiH", broj 4/92), Vlada Republike Bosne i Hercegovine, donosi

RJEŠENJE

O POSTAVLJENJU POMOĆNIKA MINISTRA
ZDRAVLJA

Za pomoćnika ministra zdravlja postavlja se DANILO IJAČIĆ.

Ovo rješenje objaviti u "Službenom listu RBiH".

V. broj 131/92	Potpredsjednik
5. oktobra 1992. godine	Vlade RBiH,
Sarajevo	Hakija Turajlić, s.r.

432

Na osnovu člana 188. Zakona o državnoj upravi - Prečišćeni tekst ("Službeni list SRBiH", br. 8/90, 22/90, 10/91 i 14/91 i "Službeni list RBiH", broj 4/92), Vlada Republike Bosne i Hercegovine, donosi

RJEŠENJE

O POSTAVLJENJU POMOĆNIKA SEKRETARA
VLADE RBiH

Za pomoćnika sekretara Vlade RBiH, na poslove šefa Kabineta potpredsjednika Vlade RBiH za privredu i sekretara Komisije za promet naoružanja i vojne opreme, postavlja se MUNIB UŠANOVIĆ.

Ovo rješenje objaviti u "Službenom listu RBiH".

V. broj 124/92	Potpredsjednik
5. oktobra 1992. godine	Vlade RBiH,
Sarajevo	Hakija Turajlić, s.r.

433

Na osnovu člana 188. Zakona o državnoj upravi - Prečišćeni tekst ("Službeni list SRBiH", br. 8/90, 22/90, 10/91 i 14/91 i "Službeni list RBiH", broj 4/92), Vlada Republike Bosne i Hercegovine, donosi

RJEŠENJE

O POSTAVLJENJU POMOĆNIKA SEKRETARA
VLADE RBiH

Za pomoćnika sekretara Vlade RBiH, na poslove sekretara Komisije za društvene djelatnosti, postavlja se FIRDUS HAMZAGIĆ.

Ovo rješenje objaviti u "Službenom listu RBiH".

V. broj 125/92	Potpredsjednik
5. oktobra 1992. godine	Vlade RBiH,
Sarajevo	Hakija Turajlić, s.r.

434

Na osnovu člana 188. Zakona o državnoj upravi - Prečišćeni tekst ("Službeni list SRBiH", br. 8/90, 22/90, 10/91 i 14/91 i "Službeni list RBiH", broj 4/92), Vlada Republike Bosne i Hercegovine, donosi

RJEŠENJE

O POSTAVLJENJU POMOĆNIKA SEKRETARA
VLADE RBiH

Za pomoćnika sekretara Vlade RBiH, na poslove sekretara Komisije za kadrovska pitanja postavlja se KARMELO PRELEDA.

Ovo rješenje objaviti u "Službenom listu RBiH".

V. broj 126/92 Potpredsjednik
5. oktobra 1992. godine Vlade RBiH,
Sarajevo Hakija Turajlić, s.r.

435

Na osnovu člana 188. Zakona o državnoj upravi - Prečišćeni tekst ("Službeni list SRBiH", br. 8/90, 22/90, 10/91 i 14/91 i "Službeni list RBiH", broj 4/92), Vlada Republike Bosne i Hercegovine, donosi

RJEŠENJE

O POSTAVLJENJU POMOĆNIKA MINISTRA OBRAZOVANJA, NAUKE, KULTURE I SPORTA

Za pomoćnika ministra obrazovanja, nauke, kulture i sporta, postavlja se ABDULAH JABUČAR.

Ovo rješenje objaviti u "Službenom listu RBiH".

V. broj 134/92 Potpredsjednik
5. oktobra 1992. godine Vlade RBiH,
Sarajevo Hakija Turajlić, s.r.

436

Na osnovu člana 188. Zakona o državnoj upravi - Prečišćeni tekst ("Službeni list SRBiH", br. 8/90, 22/90, 10/91 i 14/91 i "Službeni list RBiH", broj 4/92), Vlada Republike Bosne i Hercegovine, donosi

RJEŠENJE

O POSTAVLJENJU PODSEKRETARA U MINISTARSTVU OBRAZOVANJA, NAUKE, KULTURE I SPORTA

Za podsekretara u Ministarstvu obrazovanja, nauke, kulture i sporta postavlja se ILIJA ROZIĆ.

Ovo rješenje objaviti u "Službenom listu RBiH".

V. broj 133/92 Potpredsjednik
5. oktobra 1992. godine Vlade RBiH,
Sarajevo Hakija Turajlić, s.r.

437

Na osnovu člana 188. Zakona o državnoj upravi - Prečišćeni tekst ("Službeni list SRBiH", br. 8/90, 22/90, 10/91 i 14/91 i "Službeni list RBiH", broj 4/92), Vlada Republike Bosne i Hercegovine, donosi

RJEŠENJE

O POSTAVLJENJU GLAVNOG REPUBLIČKOG ZDRAVSTVENOG INSPETORA

Za glavnog republičkog zdravstvenog inspektora u Ministarstvu zdravlja postavlja se dr MEHMED LJUTA.

Ovo rješenje objaviti u "Službenom listu RBiH".

V. broj 132/92 Potpredsjednik
5. oktobra 1992. godine Vlade RBiH,
Sarajevo Hakija Turajlić, s.r.

438

Na osnovu člana 21. Zakona o javnom pravobranilaštvu ("Službeni list SRBiH", br. 2/89 i 33/89 i "Službeni list RBiH", br. 6/92 i 9/92), Vlada Republike Bosne i Hercegovine, donosi

RJEŠENJE

O RAZRJEŠENJU POMOĆNIKA REPUBLIČKOG JAVNOG PRAVOBRANIOCA

Razrješava se VLADIMIR RADULOVIĆ dužnosti pomoćnika republičkog javnog pravobranioca, sa 15. junom 1992. godine, zbog neopravdanog izostajanja sa posla duže od 20 dana.

Ovo rješenje objaviti u "Službenom listu RBiH".

V. broj 136/92 Potpredsjednik
5. oktobra 1992. godine Vlade RBiH,
Sarajevo Hakija Turajlić, s.r.

439

Na osnovu čl. 24. i 29. Uredbe sa zakonskom snagom o ustanovama ("Službeni list RBiH", broj 6/92), Vlada Republike Bosne i Hercegovine, donosi

RJEŠENJE

O RAZRJEŠENJU DEKANA AKADEMIJE SCENSKIH UMJETNOSTI

Razrješava se dr NENAD VUKOVIĆ dužnosti dekana Akademije scenskih umjetnosti.

Ovo rješenje objaviti u "Službenom listu RBiH".

V. broj 143/92 Potpredsjednik
5. oktobra 1992. godine Vlade RBiH,
Sarajevo Hakija Turajlić, s.r.

440

Na osnovu čl. 24. i 29. Uredbe sa zakonskom snagom o ustanovama ("Službeni list RBiH", broj 6/92), Vlada Republike Bosne i Hercegovine, donosi

RJEŠENJE

O IMENOVANJU DEKANA AKADEMIJE SCENSKIH UMJETNOSTI

Za dekana Akademije scenskih umjetnosti imenuje se dr DŽEVAĐ KARAHASAN.

Ovo rješenje objaviti u "Službenom listu RBiH".

V. broj 144/92 Potpredsjednik
5. oktobra 1992. godine Vlade RBiH,
Sarajevo Hakija Turajlić, s.r.

441

Na osnovu člana 29. stav 5. Uredbe sa zakonskom snagom o ustanovama ("Službeni list RBiH", broj 6/92), Vlada Republike Bosne i Hercegovine, donosi

RJEŠENJE

O IMENOVANJU DIREKTORA ZAVODA ZA FIZIČKU KULTURU

Za direktora Zavoda za fizičku kulturu imenuje se DORDE RADOJEVIĆ.

Ovo rješenje objaviti u "Službenom listu RBiH".

V. broj 137/92 Potpredsjednik
5. oktobra 1992. godine Vlade RBiH,
Sarajevo Hakija Turajlić, s.r.

442

Na osnovu člana 29. stav 5. Uredbe sa zakonskom snagom o ustanovama ("Službeni list RBiH", broj 6/92), Vlada Republike Bosne i Hercegovine, donosi

RJEŠENJE**O IMENOVANJU DIREKTORA REPUBLIČKOG PEDAGOŠKOG ZAVODA**

Za direktora Republičkog pedagoškog zavoda imenuje se ZVONIMIR PETROVIĆ.

Ovo rješenje objaviti u "Službenom listu RBiH".

V. broj 138/92 Potpredsjednik
5. oktobra 1992. godine Vlade RBiH,
Sarajevo Hakija Turajlić, s.r.

443

Na osnovu člana 29. stav 5. Uredbe sa zakonskom snagom o ustanovama ("Službeni list RBiH", broj 6/92), Vlada Republike Bosne i Hercegovine, donosi

RJEŠENJE**O IMENOVANJU VRŠIOCA DUŽNOSTI DIREKTORA REPUBLIČKOG JAVNOG FONDA ZA VISOKO OBRAZOVANJE**

Za vršioca dužnosti direktora Republičkog javnog fonda za visoko obrazovanje imenuje se dr ANTE MARKOTIĆ.

Ovo rješenje objaviti u "Službenom listu RBiH".

V. broj 139/92 Potpredsjednik
5. oktobra 1992. godine Vlade RBiH,
Sarajevo Hakija Turajlić, s.r.

444

Na osnovu člana 29. stav 5. Uredbe sa zakonskom snagom o ustanovama ("Službeni list RBiH", broj 6/92), Vlada Republike Bosne i Hercegovine, donosi

RJEŠENJE**O IMENOVANJU DIREKTORA INSTITUTA ZA KNJIŽEVNOST**

Za direktora Instituta za književnost imenuje se dr MUNIB MAGLAJLIĆ.

Ovo rješenje objaviti u "Službenom listu RBiH".

V. broj 140/92 Potpredsjednik
5. oktobra 1992. godine Vlade RBiH,
Sarajevo Hakija Turajlić, s.r.

445

Na osnovu člana 29. stav 5. Uredbe sa zakonskom snagom o ustanovama ("Službeni list RBiH", broj 6/92), Vlada Republike Bosne i Hercegovine, donosi

RJEŠENJE**O IMENOVANJU DIREKTORA INSTITUTA ZA JEZIK**

Za direktora Instituta za jezik imenuje se dr MEVLIDA KARADŽA.

Ovo rješenje objaviti u "Službenom listu RBiH".

V. broj 141/92 Potpredsjednik
5. oktobra 1992. godine Vlade RBiH,
Sarajevo Hakija Turajlić, s.r.

446

Na osnovu člana 29. stav 5. Uredbe sa zakonskom snagom o ustanovama ("Službeni list RBiH", broj 6/92), Vlada Republike Bosne i Hercegovine, donosi

RJEŠENJE**O IMENOVANJU DIREKTORA INSTITUTA ZA PROUČAVANJE NACIONALNIH ODNOSA**

Za direktora Instituta za proučavanje nacionalnih odnosa imenuje se dr FUAD SALTAGA.

Ovo rješenje objaviti u "Službenom listu RBiH".

V. broj 142/92 Potpredsjednik
5. oktobra 1992. godine Vlade RBiH,
Sarajevo Hakija Turajlić, s.r.

447

Na osnovu tačke 1 Odluke o organizovanju preduzeća, ustanova i drugih pravnih lica za vrijeme ratnog stanja ("Službeni list RBiH - povjerljivo glasilo" broj 2/92), Vlada Republike Bosne i Hercegovine, donosi

RJEŠENJE**O IMENOVANJU VRŠIOCA DUŽNOSTI REPUBLIČKOG VODOPRIVREDNOG DRUŠTVENOG FONDA**

Za vršioca dužnosti direktora Republičkog vodoprivrednog društvenog fonda imenuje se FARUK ŠABETA.

Ovo rješenje objaviti u "Službenom listu RBiH".

V. broj 145/92 Potpredsjednik
5. oktobra 1992. godine Vlade RBiH,
Sarajevo Hakija Turajlić, s.r.

448

Na osnovu tačke XIV Odluke o osnivanju javnog preduzeća u državnoj svojini za promet naoružanja i vojne opreme "MAGNUM SCUTUM" BH kompanija za uvoz i izvoz ("Službeni list RBiH", broj 15/92), Vlada Republike Bosne i Hercegovine, donosi

RJEŠENJE**O IMENOVANJU PRIVREMENOG DIREKTORA JAVNOG PREDUZEĆA U DRŽAVNOJ SVOJINI "MAGNUM SCUTUM"**

1. Za direktora javnog preduzeća u državnoj svojini za promet naoružanja i vojne opreme, BH kompanija za uvoz i izvoz imenuje se SRNA ADNAN, dipl. mašinski inženjer.

2. Direktor će organizovati i rukovoditi procesom rada i poslovanja preduzeća, zastupati i predstavljati preduzeće i predložiti osnove politike preduzeća, program rada i plan razvoja i poduzimati mjere za njihovo sprovođenje, izvršiti postavljanje radnika sa posebnim ovlaštenjima u skladu sa unutrašnjom organizacijom preduzeća i obavljati druge poslove u skladu sa zakonom, odlukom i statutom.

3. Direktor preduzeća iz tačke I ovog rješenja izvršice sve pripreme za registraciju i registrovati preduzeće kod nadležnog suda.

4. Ovo rješenje objaviti u "Službenom listu".

V. broj 121/92

5. oktobra 1992. godine
Sarajevo

Potpredsjednik

Vlade RBiH,

Hakija Turajlić, s.r.

Ustavni sud Bosne i Hercegovine

Ustavni sud Bosne i Hercegovine, na osnovu člana 387. stav 1. tačka 2. Ustava Socijalističke Republike Bosne i Hercegovine i člana 72. tačka 3. Poslovnika Ustavnog suda Bosne i Hercegovine ("Službeni list SRBiH", broj 1/91), na sjednici održanoj 2. 4. 1992. godine, donio je

ODLUKU

Ukida se Odluka Skupštine općine Orašje broj 09/II-476-4/91 od 26. 4. 1991. godine ("Službeni glasnik općine Orašje", broj 4/91).

Ova odluka objavljuje se u "Službenom listu RBiH".

Obrazloženje

Predlogom Vlade Socijalističke Republike Bosne i Hercegovine, od 11. 9. 1991. godine, pokrenut je postupak za ocjenjivanje ustavnosti i zakonitosti Odluke Skupštine općine Orašje broj 09/II-476-4/91, od 26. 4. 1991. godine. Osporenim odlukom poništen su svi pravni akti navedene skupštine općine o dodjeli zemljišta bivših zemljoradničkih zadruga Poljoprivrednom dobru "Dusine" i utvrđeno da će se izvršiti vraćanje tog zemljišta postojećim zemljoradničkim zadrugama.

Prema mišljenju Vlade, Skupština općine Orašje nije imala ustavni niti zakonski osnov za donošenje osporene odluke, zato što o ovim pitanjima nisu doneseni odgovarajući zakoni.

Amandmanom LXIII tačka 2. na Ustav SRBiH propisano je, između ostalog, da se svojinska prava uređuju savezним zakonom. Zakonom o zadrugama ("Službeni list SFRJ", broj 3/90) propisano je da će imovina stečena radom i poslovanjem zadruga i zadrugara poslije 1. jula 1953. godine, koja je organizacionim, odnosno statusnim promjenama prenesena bez naknade drugim korisnicima, stupanjem na snagu ovog zakona, na osnovu dokumentovanog zahtjeva biti vraćena tim zadrugama odnosno njihovim pravnim sljedbenicima, na način i pod uslovima koji su utvrđeni zakonom (član 37.).

Iz navedenih odredaba proizilazi da je potrebno ispuniti određene zakonske uslove za vraćanje imovine odnosno zemljišta zemljoradničkim zadrugama. Kako se osporenim odlukom, bez utvrđivanja navedenih uslova zemljište Poljoprivrednog dobra "Dusine", prenosi na postojeće zemljoradničke zadruge, to osporena odluka nije u saglasnosti sa Ustavom i zakonom.

Na osnovu izloženog odlučeno je kao u dispozitivu ove odluke.

Ustavni sud Bosne i Hercegovine, na osnovu člana 387. stav 1. tačka 3. Ustava Republike Bosne i Hercegovine i člana 72. tačka 3. Poslovnika Ustavnog suda Bosne i Hercegovine ("Službeni list SRBiH", broj 1/92 i "Službeni list RBiH", broj 8/92), na sjednici održanoj 8. 10. 1992. godine, donio je

ODLUKU

Poništavaju se:

1. Deklaracija o proglašenju Republike srpskog naroda u Bosni i Hercegovini od 9. januara 1992. godine;

2. Ustav Srpske republike Bosne i Hercegovine od 28. februara 1992. godine i njegove promjene od 11. 8. i 1. 9. 1992. godine i

3. Opšti akti doneseni na osnovu akata navedenih u prethodnim tačkama.

Ova odluka objavljuje se u "Službenom listu Republike Bosne i Hercegovine" i u službenim glasilima opština.

Obrazloženje

Ustavni sud Bosne i Hercegovine, rješenjem od 28. 9. 1992. godine po vlastitoj inicijativi pokrenuo je postupak za ocjenjivanje ustavnosti navedenih akata.

Deklaracijom je proglašena tzv. Republika srpskog naroda u Bosni i Hercegovini i njome je utvrđeno da će se ova tvorevina nalaziti u sastavu savezne države Jugoslavije, kao njena federalna jedinica, a da će se teritorijalno razgraničenje sa političkim zajednicama drugih naroda Bosne i Hercegovine, kao i razjašnjenja ostalih međusobnih prava i obaveza izvršiti mirnim putem i dogovorom, uz poštovanje principa i pravila međunarodnog prava i uz uvažavanje etničkih, istorijskih, pravnih, kulturnih, ekonomskih, geografskih, komunikacijskih i drugih bitnih kriterijuma, da će se osnove društvenog, političkog i državnog sistema "Republike" urediti njenim Ustavom kojim će se garantovati puna prava i jednakost pred zakonom naroda i građana i zaštita od bilo kog oblika diskriminacije, da će do izbora i konstituisanja novih organa i institucija, koji će biti ustanovljeni Ustavom "Republike", funkcije državnih organa obavljati "Skupština srpskog naroda u BiH", da će sjedište organa "Republike" biti u Sarajevu i da će do donošenja pravnih propisa važiti sadašnji savezni propisi kao i oni republički za koje "Skupština srpskog naroda u BiH" utvrdi da su u saglasnosti sa savezним Ustavom, te da Deklaracija stupa na snagu danom donošenja.

Ustavom Srpske republike Bosne i Hercegovine utvrđene su osnove društvenog, političkog i državnog uređenja ove tvorevine (Glava I), ljudska prava i slobode (Glava II), ekonomsko i socijalno uređenje (Glava III), prava i dužnosti "Republike" (Glava IV), organizacija "Republike" (Glava V), teritorijalna organizacija (Glava VI), narodna odbrana (Glava VII), ustavnost i zakonitost (Glava VIII), "Ustavni sud" (Glava IX), sudovi i javna tužilaštva (Glava X), promjena "Ustava" (Glava XI) i završne odredbe (Glava XII).

Na osnovu ovih akata doneseni su i drugi opšti akti kojima je uređen pravni sistem samostavne Republike srpskog naroda kao što su: Zakon o vladi, Zakon o državnoj upravi, Zakon o narodnoj odbrani, Zakon o unutrašnjim poslovima, Zakon o javnom informisanju, Zakon o narodnoj banci, Zakon o službi za platni promet i finansijsku kontrolu, Zakon o javnim prihodima i javnim rashodima, Odluka o osnivanju "Radio-televizije srpskog naroda Bosne i Hercegovine" i drugi podzakonski akti.

Stvaranjem takve tvorevine proizvedene su nesagledive posljedice. Izvršena je agresija na nezavisnu i suverenu državu

Predsjednik

Ustavnog suda

Bosne i Hercegovine,

dr Ismet Dautbašić, s.r.

U broj 171/91

2. aprila 1992. godine

Sarajevo

Bosnu i Hercegovinu, kao i genocid nad muslimanskim i hrvatskim narodom, s ciljem etničkog čišćenja na određenim prostorima Republike Bosne i Hercegovine i uspostavljanja etnički čistog srpskog prostora. Ovaj genocid izvršen je na najbrutalniji način.

Prema Ustavu Republike Bosne i Hercegovine, Republika Bosna i Hercegovina je demokratska suverena država ravnopravnih građana, naroda Bosne i Hercegovine, koji u njoj žive (Ammandan LX na Ustav Republike Bosne i Hercegovine). Radni ljudi i građani, narodi Bosne i Hercegovine - Srbi, Hrvati i Muslimani i pripadnici drugih naroda i narodnosti ostvaruju svoja suverena prava u Republici Bosni i Hercegovini (član 2. Ustava Republike Bosne i Hercegovine). Teritorija Republike Bosne i Hercegovine je jedinstvena i nedjeljiva. Granice Republike mogu se mijenjati Odlukom Skupštine Republike Bosne i Hercegovine samo u skladu sa voljom građana cijele Republike, izraženom njihovim prethodnim izjašnjavanjem putem referendum, ako se za mijenjanje izjasni najmanje dvije trećine ukupnog broja birača (Ammandan LXII na Ustav Republike Bosne i Hercegovine).

Republika Bosna i Hercegovina je 6. aprila 1992. godine stekla međunarodno-pravno priznanje kao samostalna, nezavisna i suverena država, a potom postala punopravni član Organizacije ujedinjenih nacija, Konferencije o evropskoj bezbjednosti i saradnji i drugih međunarodnih institucija.

Na istoj teritoriji, na kojoj postoji suverena država Republika Bosna i Hercegovina, proglašena je posebna "Republika srpskog naroda", čime je, po ocjeni Ustavnog suda, narušen osnovni ustavni princip ravnopravnosti građana, naroda i narodnosti Bosne i Hercegovine i njena jedinstvenost i nedjeljivost. Pored toga, takva tvorevina, prema navedenim aktima, proglašena je sastavnim dijelom druge države (Savezne države Jugoslavije), čime je narušen i osnovni ustavni princip nepovrlovisnosti granica, odnosno teritorijalnog integriteta Republike Bosne i Hercegovine.

Po ocjeni Ustavnog suda, navedeni akti nisu u saglasnosti sa Ustavom Republike Bosne i Hercegovine, jer se njima uspostavlja republika samo jednog naroda (srpskog) i to na prostorima postojeće Republike Bosne i Hercegovine - države ravnopravnih građana, naroda Bosne i Hercegovine - Muslimana, Srba i Hrvata i pripadnika drugih naroda i narodnosti koji u njoj žive. Time se, u stvari na neustavan način uspostavlja novi ustavni pravni sistem, što predstavlja najgrublju povredu Ustava Republike Bosne i Hercegovine.

Na osnovu izloženog odlučeno je kao u dispozitivu ove odluke.

U broj 47/92
8. oktobra 1992. godine
Sarajevo

Predsjednik
Ustavnog suda
Bosne i Hercegovine,
dr Ismet Dautbašić, s.r.

Društveni fond za penzijsko i invalidsko osiguranje Bosne i Hercegovine

Na osnovu čl. 6. 9. i 10. Uredbe sa zakonskom snagom o penzijskom i invalidskom osiguranju za vrijeme ratnog stanja ili u slučaju neposredne ratne opasnosti ("Službeni list RBiH", broj 16/92) direktor Društvenog fonda za penzijsko i invalidsko osiguranje, donosi

ODLUKU

O POTREBNOJ DOKUMENTACIJI NA OSNOVU KOJE SE RJEŠAVA O PRAVIMA IZ PENZIJSKOG I INVALIDSKOG OSIGURANJA ZA VRIJEME RATNOG STANJA ILI U SLUČAJU NEPOSREDNE RATNE OPASNOSTI I O NAČINU ČUVANJA, IZDAVANJA I KORIŠTENJA DOKUMENTACIJE

Član 1.

Ovom odlukom utvrđuje se potrebna dokumentacija na osnovu koje se rješava o pravima iz penzijskog i invalidskog osiguranja za vrijeme ratnog stanja ili u slučaju neposredne ratne opasnosti, u slučajevima kada ne postoje podaci registrovani u matičnoj evidenciji ni dokazi o činjenicama koje se ne registruju u matičnoj evidenciji, a na osnovu kojih se u smislu člana 57. Statuta Društvenog fonda za penzijsko i invalidsko osiguranje Bosne i Hercegovine ("Službeni list RBiH", broj 25/91 - u daljem tekstu: Statut Fonda) donosi rješenje o pravima iz penzijskog i invalidskog osiguranja.

Ovom odlukom se utvrđuje i način čuvanja, izdavanja i korištenja dokumentacije.

Član 2.

Kada se ne raspolaze podacima o penzijskom stažu registrovanom u matičnoj evidenciji, penzijski staž utvrđivaće se na osnovu slijedeće dokumentacije:

- radne knjižice,
- pravosnažnog rješenja o penzijskom stažu,
- rješenja o prijemu u radni odnos,
- rješenja o rasporedu odnosno o prestanku rada,
- obavještenja o ličnom dohotku i stažu osiguranja,
- pravosnažne presude suda u vezi sa radnim odnosom.

Član 3.

Kada se ne raspolaze podacima o ostvarenom ličnom dohotku koji služi za utvrđivanje penzijskog osnova, penzijski osnov utvrđivaće se na način utvrđen u članu 2. Uredbe sa zakonskom snagom o penzijskom i invalidskom osiguranju za vrijeme ratnog stanja ili u slučaju neposredne ratne opasnosti (u daljem tekstu: Uredba).

Smatra se da Društveni fond za penzijsko i invalidsko osiguranje Bosne i Hercegovine (u daljem tekstu: Fond), odnosno osiguranik ne raspolaze podacima o ostvarenom ličnom dohotku u smislu člana 2. Uredbe ako nema podataka o ostvarenom ličnom dohotku za najmanje uzastopnih deset godina osiguranja (član 24. Zakona o osnovnim pravima iz penzijskog i invalidskog osiguranja i član 38. stav 2. Statuta Fonda), osim ako se radi o invalidskoj penziji koja se stiče sa stažom osiguranja kraćim od deset godina (član 40. stav 2. istog Zakona).

Član 4.

Kada se rješava o zahtjevu za sticanje prava na starosnu, odnosno invalidsku penziju, pored podataka o činjenicama iz čl. 2. i 3. ove odluke, potrebna je i slijedeća dokumentacija:

- izvod iz matične knjige rođenih,
- obavještenje o ličnom dohotku i stažu osiguranja,
- rješenje o prestanku radnog odnosa i posljednjem isplaćenom ličnom dohotku,
- medicinska dokumentacija,
- prijava o povredi na radu.

Član 5.

Kada se rješava o zahtjevu za sticanje prava na porodičnu penziju, zavisno o kojem članu porodice se radi (bračni drug, dijete, roditelji i dr.), potrebna je sljedeća dokumentacija:

- o penzijskom stažu i ostvarenom ličnom dohotku osiguranika,
- izvod iz matične knjige umrlih,
- izvod iz matične knjige vjenčanih za bračnog druga,
- izvod iz matične knjige rođenih,
- potvrda o redovnom školovanju nadležne školske ustanove,
- o izdržavanju člana šire porodice.

Član 6.

Kada se rješava o zahtjevu za sticanje prava na novčanu naknadu za tjelesno oštećenje potrebni su podaci o penzijskom stažu koji se utvrđuju na način predviđen u članu 2. ove odluke, izvod iz matične knjige rođenih, kao i prijava o povredi na radu, ako je tjelesno oštećenje nastalo usljed povrede.

Član 7.

Za rješavanje o pravima osiguranika iz penzijskog i invalidskog osiguranja po osnovu preostale radne sposobnosti, potreban je, pored izvoda iz matične knjige rođenih, opis posla radnog mjesta i opis drugog odgovarajućeg posla od organizacije kod koje je osiguranik zaposlen ili kod koje je bio zaposlen.

Član 8.

Kada se rješava o zahtjevu osiguranika za sticanje prava na starosnu, odnosno invalidsku penziju primjenom međunarodnog ugovora o socijalnom osiguranju, potrebna je sljedeća dokumentacija:

- o penzijskom stažu ostvarenom na teritoriji Republike Bosne i Hercegovine i bivše SFRJ utvrđenom na način iz člana 2. ove odluke,
- obavještenje o ličnom dohotku i stažu osiguranja,
- izvod iz matične knjige rođenih,
- izvod iz matične knjige vjenčanih za bračnog druga,
- uvjerenje o državljanstvu,
- o penzijskom stažu ostvarenom u inostranstvu,
- medicinska dokumentacija.

O pravu na porodičnu penziju primjenom međunarodnog ugovora o socijalnom osiguranju rješava se na osnovu dokumentacije utvrđene u članu 5. ove odluke.

Član 9.

Kada se rješava o zahtjevu za prijem na produženo osiguranje uslovi propisani Statutom Fonda utvrđuju se isključivo na osnovu zvanične dokumentacije.

Član 10.

Kada nije moguće pribaviti dokumentaciju navedenu u čl. 2, 4, 5, 6, 7. i 8. ove odluke, u postupku rješavanja o pravima iz penzijskog i invalidskog osiguranja mogu se koristiti i drugi dokazi.

Član 11.

Dokumentacija na osnovu koje se rješava o pravima iz penzijskog i invalidskog osiguranja po okončanju postupka čuva se u izvornom obliku ili se mikrofilmuje.

Dokumentacija se ulaže u omote i formira se spis koji se odlaže na mjesto bezbjedno sa stanovišta okolnosti ratnog stanja i neposredne ratne opasnosti.

Dokumentacija utvrđena ovom odlukom može biti u originalu ili u fotokopiji ovjerenoj od strane organa koji rješava o pravima iz penzijskog i invalidskog osiguranja.

Na zahtjev osiguranika dokumentacija se može izuzeti iz spisa s tim što će se u spis ostaviti dokaz o izuzimanju dokumentacije potpisan od organa koji je izdao dokumentaciju i osiguranika koji je izuzeo dokumentaciju.

Član 12.

Rukovodilac organizacione jedinice Fonda odgovoran je za bezbjedno čuvanje dokumentacije.

Član 13.

Direktor Fonda izdaće uputstvo za primjenu ove odluke.

Član 14.

Ova odluka stupa na snagu danom objavljivanja u "Službenom listu Republike Bosne i Hercegovine".

Broj BD-30/92

19. septembra 1992. godine
Sarajevo

Direktor fonda
Luka Šijaković, s. r.

Na osnovu člana 7. Uredbe sa zakonskom snagom o penzijskom i invalidskom osiguranju za vrijeme ratnog stanja ili u slučaju neposredne ratne opasnosti ("Službeni list RBiH", broj 16/92), direktor Društvenog fonda za penzijsko i invalidsko osiguranje Bosne i Hercegovine, donosi

PRAVILNIK

**O OCJENJIVANJU RADNE SPOSOBNOSTI U
PENZIJSKOM I INVALIDSKOM OSIGURANJU ZA
VRIJEME RATNOG STANJA ILI U SLUČAJU
NEPOSREDNE RATNE OPASNOSTI**

Član 1.

Pravilnik o ocjenjivanju radne sposobnosti u penzijskom i invalidskom osiguranju ("Službeni list SRBiH", broj 6/92) primjenjuje se za vrijeme ratnog stanja ili u slučaju neposredne ratne opasnosti u cjelini, ako odredbama ovog pravilnika nije drukčije propisano.

Član 2.

Član 8. mijenja se i glasi:

"Ocjenju radne sposobnosti i utvrđivanje drugih osnova za ostvarivanje prava iz penzijskog i invalidskog osiguranja vrši vijeće u sastavu od najmanje dva ljekara određene specijalnosti (u daljem tekstu: stručni organi vještačenja)".

Član 3.

U članu 10. stav 2. mijenja se i glasi:

"Prethodnu kontrolu vrši vijeće u sastavu od dva ljekara određene specijalnosti (u daljem tekstu: vijeće kontrole)".

Član 4.

U članu 13. stav 1. u alineji 1. riječi: "u skladu sa Samoupravnim sporazumom o obaveznom minimumu sadržaja medicinske dokumentacije u postupku ostvarivanja prava po osnovu invalidnosti ("Službeni list SFRJ", broj 66/89)", brišu se.

Iza stava 3. dodaje se novi stav 4. koji glasi:

"Ako nije moguće obezbijediti potrebnu dokumentaciju iz prethodnih stavova, zahtjev se sa postojećom dokumentacijom i zdravstvenim kartonom dostavlja Institutu."

Član 5.

Član 14. briše se.

Član 6.

Član 15. mijenja se i glasi:

*Član 15.

Stručni organ vještačenja u prvom stepenu, nalaz, ocjenu i mišljenje može dati i bez pregleda osiguranika u slučajevima kada je medicinska dokumentacija kompletna i dokaze o funkcionalnom stanju organa ili organskih sistema potpuno relevantni*.

Član 7.

U članu 16. stav 1. mijenja se i glasi:

"Stručni organ vještačenja u prvom stepenu kada ocjenu vrši sa pregledom osiguranika, određuje dan pregleda osiguranika i o mjestu, datumu i času ocjene obavještava osiguranika."

Član 8.

Član 27. mijenja se i glasi:

*Član 27.

Stručni organ vještačenja u drugom stepenu daje nalaz, ocjenu i mišljenje na osnovu dokumentacije pribavljene u prvo-stepenom postupku bez pregleda osiguranika, osim u slučajevima kada je ocjena stručnog organa vještačenja u prvom stepenu nedovoljno dokumentovana i izvedena na nedostatnim činjenicama*.

Član 9.

U članu 33. stav 1. riječi: "ljekar - kontrolor", zamjenjuju se riječima: "vijeće - kontrole".

U stavu 2. riječi: "ljekar - kontrolor" zamjenjuju se riječima: "vijeće - kontrole".

U stavu 3. riječi: "Ljekara - kontrolora" zamjenjuju se riječima: "vijeća - kontrole".

Član 10.

Ovaj pravilnik stupa na snagu danom objavljivanja u "Službenom listu Republike Bosne i Hercegovine".

Broj 01-52/92

19. septembra 1992. godine
Sarajevo

Direktor
Luka Šjaković, s. r.

=====

Na osnovu člana 30. Zakona o osnovnim pravima iz penzijskog i invalidskog osiguranja ("Službeni list SFRJ", br. 23/82, 77/82, 75/85, 8/87, 65/87, 87/89 i 44/90) i člana 84. Statuta Društvenog fonda za penzijsko i invalidsko osiguranje Bosne i Hercegovine ("Službeni list SRBiH", broj 25/91), direktor Društvenog fonda za penzijsko i invalidsko osiguranje Bosne i Hercegovine izdaje

SAOPŠTENJE

O USKLADIVANJU PENZIJA I NOVČANIH NAKNADA
SA KRETANJEM LIČNIH DOHODAKA U JULU 1992.

GODINE

1. Starosne, invalidske i porodične penzije (u daljem tekstu: penzije), novčane naknade po osnovu preostale radne sposob-

nosti za osiguranike samostalne djelatnosti i druge osiguranike koji nisu u radnom odnosu, novčane naknade za vrijeme čekanja na zaposlenje djece ometene u fizičkom ili psihičkom razvoju, novčane naknade za tjelesno oštećenje i novčane naknade za pomoć i njegu (u daljem tekstu: novčane naknade) uskladjuju se sa kretanjem ličnih dohodaka svih zaposlenih radnika u Republici Bosni i Hercegovini u julu 1992. godine u odnosu na juni 1992. godine i povećavaju se za 57,796% od 1. avgusta 1992. godine.

2. Uskladjivanje iz prethodne tačke primjenjuje se na iznos penzije i novčane naknade nakon uskladjivanja po Saopštenju o uskladjivanju penzija i novčanih naknada sa kretanjem ličnih dohodaka u junu 1992. godine ("Službeni list Republike Bosne i Hercegovine", broj 16/92).

3. Invalidske penzije određene po članu 36. stav 2. Statuta Društvenog fonda za penzijsko i invalidsko osiguranje, kod kojih penzijski osnov predstavlja lični dohodak ostvaren u periodu od 1. januara do 30. juna 1992. godine uskladjuju se sa kretanjem ličnih dohodaka u julu 1992. godine u odnosu na prosječan lični dohodak iz perioda januar-juni 1992. godine i povećavaju za 220,619% počev od dana sticanja prava na penziju.

4. Povećanje iz prethodne tačke primjenjuje se na iznos penzije određene od penzijskog osnova.

5. Zajamčena penzija koja se obezbjeđuje osiguranicima iz člana 43. stav 1. Zakona o penzijskom i invalidskom osiguranju ("Službeni list SRBiH", br. 38/90 i 22/91), nakon uskladjivanja od 1. avgusta 1992. godine iznosi 6.043 BHD.

6. Najniži iznos penzije koji se obezbjeđuje osiguranicima iz člana 43. stav 2. Zakona o penzijskom i invalidskom osiguranju nakon uskladjivanja od 1. avgusta 1992. godine iznosi 1.726 BHD.

7. Uskladjivanje penzija i novčanih naknada po ovom saopštenju izvršiće se po službenoj dužnosti bez donošenja rješenja.

8. Ovo saopštenje objaviće se u "Službenom listu R BiH".

Broj BD-14/92

3. oktobra 1992. godine
Sarajevo

Direktor
Luka Šjaković, s. r.

=====

SLUŽBENE OBJAVE

IZGUBLJENI PEČATI I ŠTAMBI LJ

Oglašava se nevažećim pečat prečnika 30 mm sa tekstom: DIONIČARSKO DRUŠTVO SIB Export-import Sarajevo sa oznakom 1 i 2 (334-so)

Oglašavaju se nevažećim pečati prečnika 50 mm i 25 mm sa grbom SRBiH i tekstom: Socijalistička Republika Bosna i Hercegovina, Srednja ekonomska škola "Hasan Brkić" Sarajevo (latinica i cirilica). (340-so)

Oglašavaju se nevažećim pečati prečnika 30 i 50 mm sa tekstom: Socijalistička Republika Bosna i Hercegovina, RO Grafički školski centar Ilidža (456-so)

Oglašava se nevažećim pečat prečnika 30 mm sa tekstom: "MERDAN" privatno preduzeće za trgovinu na veliko i turističke usluge, Sarajevo d.o.o. sa p.o. (458-so)

LIČNE ISPRAVE I DOKUMENTI

DA BI SE SPRIJEČILA SVAKA ZLOUPOTREBA OGLAŠAVAJU SE NEVAŽEĆIM SLJEDEĆE ISPRAVE I DOKUMENTI:

SARAJEVO

Krstonić Dragoljub, ček. karta br. 1662173 PBS KB Sarajevo	1155	Mutić Rabina, index Med. fakulteta Sarajevo br. 11765/86	1197
Omerović ček. karta br. 0813843 PBS KB DD Sarajevo	1156	Marković Mladen, čekovna karta broj 154033375 Jugobanka Sarajevo	1198
Korać Muzafara, devizna štedna knjižica broj 15-0901-001028-7 PBS KB DD	1157	Lazendić Pero, ček. od br. 1596160-168 PBS KB DD Sarajevo	1199
Klađar Vezir, ček. karta broj 1959611 PBS KB DD Sarajevo	1158	Pupo Munira, diploma Više med. škole Sarajevo	1200
Gospić Biljana, čekovna karta broj 1659815 PBS KB DD Sarajevo	1159	Dreca Sulejman, radna knjižica izdata od SO Novi grad Sarajevo	1201
Šutrović Sead, čekovna karta br. 15-41-28446-7 i čekovi od broja 508321-330 i od broja 442334-335 Jugobanke DD Sarajevo	1160	Metlić Dževad, šted. dev. knjižica br. 1509010001260 izdata od PBS DD Sarajevo	1202
Hrvat Džafar, ček. karta br. 15-41-36079-2 i čekovi od br. 1807126-127, 1809757-760, 2048151-160 Jugobanke DD Sarajevo	1161	Musić Mehlo, ček. karta br. 0000811003 i 7 čekova izdatih od PBS Filijala Vogošća	1203
Švabić Šimo, ček. karta br. 15-41-36063-1 i 8 čekova od br. 1632051, 054-060 Jugobanke DD Sarajevo	1162	Ilić Dragana, lična karta br. 4599/91 izdata od SO Stari Grad	1204
Jusufović Zijad, čekovna karta broj 1088577 i 4 čeka od broja 1537828-831, 10 čekova od broja 1939109-118 PBS KB DD Sarajevo	1163	Šerbedžija Damjan, čekovna karta 120380-4 i ček br. 087848-5 izdata od PBS KB DD Sarajevo	1205
Samardžić Olivera, čekovna karta broj 2159948 PBS KB DD Sarajevo	1164	Ilić Nenad, pasoš br. BH 440393 izdat od SUP-a Sarajevo	1206
Džindo Omer, ček. karta br. 1490682 PBS KB DD Sarajevo	1165	Barić Eleonora, svjedočanstvo I, II raz. SUO "Ognjen Prica" Sarajevo školske 1988/89 i 1989/90	1207
Begić Ljiljana, ček. karta br. 0001020703 PBS KB DD Sarajevo	1166	Kapidić Enver, čekovna karta br. 0734056 i čekovi izdati od PBS Novo Sarajevo	1208
Radošević Ratko, ček. karta br. 1741019 PBS KB DD Sarajevo	1167	Kapidić Zlatija, čekovna karta br. 0449341 izdata od PBS Novo Sarajevo	1209
Durić Draginja, ček. karta br. 1603052 PBS KB DD Sarajevo	1168	Basinać Sabaheta, deset čekova KB DD Sarajevo izdatih po tekucem računu, br. 0002038167	1210
Lasić Ivanka, 10 čekova od broja 9783151-160 i čekovna karta broj 0027214 PBS KB DD Sarajevo	1169	Hasanbegović Vehbija, čekovna karta br. 0002037748	1211
Javorić Samra, radna knjižica izdata od SO Centar, Sarajevo	1170	Topić Igor, pasoš izdat od SUP-a Sarajevo	1212
Mahić Mehmed, ček. karta br. 0262470	1171	Imamović Dubravka, čekovna karta br. 0099948 KBS DD Sarajevo	1213
Mustafa Fahrudin, ček. karta br. 0035363 i 4 čeka od br. 1775397-406 PBS KB DD Sarajevo	1172	Huseinović Mirsad, čekovi br. 1811893-181192 PBS KB DD Sarajevo	1214
Šišić Dika, ček. karta br. 0557705 PBS KB DD Sarajevo	1173	Huseinović Sadika, čekovi br. 1811913-1811932 PBS KB DD Sarajevo	1215
Štambol Hamdija, radna knjižica izdata od SO Centar, Sarajevo	1174	Merkez Hasan, index Pravnog fakulteta Sarajevo	1216
Isak, Hanka, čekovna karta broj 0063674 i 2 čeka broj 060005317, 60020342 PBS Filijala Viskok	1175	Nalešić Gordana, index br. 2169/87 izdat od Farmaceutskog fakulteta Sarajevo	1217
Hajro Rašid, šted. knjižica broj 10-44-154999 Jugobanke DD Sarajevo	1176	Katica Agan, čekovna karta br. 219521-5 izdata od PBS KB DD Sarajevo	1218
Šimunić Berislav, ček. karta br. 0208853 PBS KB DD Sarajevo	1177	Obadov Marina, pasoš br. 380163 izdat od SUP-a Sarajevo	1219
Banjanin Mladen, ček. karta br. 15-40-363822 i 10 čekova od br. 533756-765 Jugobanke DD Sarajevo	1178	Osmangić Haris, uvjerenje zubnog ljekara br. 746 izdato od Stomatološkog fakulteta Sarajevo	1220
Avramović Cvjetla, šted. knjižica br. 10100-620-16-82710-346512-3 PBS KB DD Sarajevo	1179	Delibašić Husein, čekovna karta br. 1540576392 i ček br. 2145997 izdat od Jugobanke DD ličnja	1221
Gošić Asim, ček. karta br. 0845035 PBS KB DD Sarajevo	1180	Bilalagić Lenka, pasoš br. BH 534823 izdat od SUP-a Sarajevo	1222
Bajić Anda, ček. karta br. 0261753 PBS KB DD Sarajevo	1181	Bilalagić Amir, pasoš br. BH 534893 izdat od SUP-a Sarajevo	1223
Londić Radinka, čekovna karta broj 2057881-888 i ček broj 2057890 Jugobanke DD Sarajevo	1182	Nežirević Muhamed, pasoš br. BH 463337 izdat od SUP-a Sarajevo	1224
Šišić Dika, ček. karta br. 05570-5 PBS KB DD Sarajevo	1183	Oprašić Adis, index Pravnog fakulteta Sarajevo	1225
Omerović Zaim, ček. karta br. 11135436 PBS KB DD Sarajevo	1184	Rašalo Sanja, index Pravnog fakulteta Sarajevo	1226
Omerović Zaim, ček. karta br. 003058-0 i ček. br. 9442301-305 PBS KB DD Sarajevo	1185	Jakšić Dane, devizna štedna knjižica PBS Sarajevo	1227
Avić Zemka, ček. karta br. 0438252 i ček. od br. 1844080-081 PBS KB DD Sarajevo	1186	Imamović Mirsad, radna knjižica izdata od SO Novi grad Sarajevo	1228
Balenžada Milenko, ček. karta br. 2400222-241 PBS KB DD Sarajevo	1187	Zehra Sinanija, čekovna knjižica br. 10100-620-1680710-1958126 i 7 čekova izdatih od PBS KB DD Sarajevo	1229
Pavlović Mira, ček. karta br. 0966039 i čekovi od br. 2350876-885 i 1452368-369 PBS KB DD Sarajevo	1188	Pandžić Zejnil, čekovna karta br. 0837917 i 12 čekova izdatih od PBS - Filijala Vogošća	1230
Pekarić Vasiljko, ček. karta br. 1907974 i čekovi od br. 2412725-729 PBS KB DD Sarajevo i ovlaštenje na ime Pokrajčić Olga	1189	Mašović Muho, policijska službena legitimacija br. 75473/91 izdata od MUP-a BiH Sarajevo	1231
Hadžić Sead, službena legitimacija reg. br. 75472, ser. br. A076272 izdata 24. 09. 1991. od MUP-a Sarajevo	1190	Filipinjak Lovorka, radna knjižica izdata od SO Tuzla	1232
Kurtović Radovan, ček. karta br. 010042 PBS KB DD Sarajevo	1191	Hadžibabić Vedad, radna knjižica izdata od SO Centar Sarajevo	1233
Huremović Damir, indeks Medicinskog fakulteta Sarajevo broj 12192/88	1192	Pozder Salih, radna knjižica izdata od SO Centar Sarajevo	1234
Grmač Rada, I. karta br. 1908/83 izdata od SO Novi Grad Sarajevo	1193	Blažević Derviš, čekovna karta br. 0316334 PBS KB DD Sarajevo	1235
Grmač Rada, ček. karta br. 1540384027 i čekovi od br. 530016-025 i br. 389916-925, 487176-185 Jugobanke DD Sarajevo	1194	Šabanović Armin, radna knjižica izdata od SO Stari grad Sarajevo	1236
Milanović Milka, čekovna karta i 10 čekova zadnje izdatih u PBS KB DD	1195	Titorić Rufo, vozačka dozvola izdata od SUP-a Rogatica	1237
Ibrahimović Feriz, ček. karta br. 1240761-767, 2018386-390 PBS KB DD Sarajevo	1196	Ijačić Aleksandra, radna knjižica izdata od SO Centar Sarajevo	1238
		Čoljo Besim, index Pravnog fakulteta Sarajevo	1239
		Jelinak Mladen, radna knjižica izdata od SO Centar Sarajevo	1240
		Begović Admir, radna knjižica izdata od SO Trebinje	1241
		Hadžarević Mirsad, radna knjižica izdata od SO Čapljina	1242
		Hrnjica Osman, index br. 12675/90 Medicinskog fakulteta Sarajevo	1243
		Dordević Slobodan, službena legitimacija reg. br. 76027 i ser. br. A076827 izdata od MUP-a BiH Sarajevo	1244

Huseinović Bećir, index Pravnog fakulteta br. 9683 Mostar	1245	Jusufbegović Vildana, index br. 2300/88 Farmaceutskog fakulteta	1256
Semsudin Skoja, index br. 2535/90 Farmaceutskog fakulteta Saraj	1246	Deljković Hajrudin, index br. 6197/92 Medicinskog fakulteta Sarajevo	1257
Džomba Azra, radna knjižica izdata od SO Novo Sarajevo	1247	Zeljko Ramiza, radna knjižica izdata od SO Centar Sarajevo	1258
Karahasanović Safida, čekovna karta br. 0001951667 KB DD	1248	Habul Adnan, radna knjižica izdata od SO Novi grad Sarajevo	1259
Kovač Mirza, radna knjižica izdata od SO Centar Sarajevo	1249	Tankosić Mirjana, čekovna karta br. 1113300 PBSK BK DD	1260
Dordović Ljubomir, čekovna knjižica br. 0187560 i 2 čeka izdata od PBS Sarajevo	1250	Sarajlija Fatima, radna knjižica izdata od SO Centar Sarajevo	1261
Nikić Nezuudin, radna knjižica izdata od SO Novi grad Sarajevo	1251	Tubić Adil, pasos br. BH 845950 izdat od SUP-a Sarajevo	1262
Bombek Dragan, pasos br. 801253 izdat od SUP-a Sarajevo	1252	Zeković Salih, radna knjižica izdata od SO Centar Sarajevo	1263
Sadić Mediha, index Medicinskog fakulteta Sarajevo	1253	Vlahovljak Mirsad, radna knjižica izdata od SO Centar Sarajevo	1264
Ostić Josip, štedna knjižica br. 271192-3 PBS Sarajevo	1254	Šešlija Dragiša, radna knjižica izdata od SO Centar Sarajevo	1265
	1255		

SADRŽAJ

411 Uredba sa zakonskom snagom o državljanstvu Republike Bosne i Hercegovine	489	435 Rješenje o postavljenju pomoćnika ministra obrazovanja, nauke, kulture i sporta	512
412 Uredba sa zakonskom snagom o raseljenim licima i izbjeglicama	492	436 Rješenje o postavljenju podsekretara u ministarstvu obrazovanja, nauke, kulture i sporta	512
413 Uredba sa zakonskom snagom o izmjenama i dopunama Uredbe sa zakonskom snagom o obrazovanju i radu okruga	496	437 Rješenje o postavljenju glavnog republičkog zdravstvenog inspektora	512
414 Uredba sa zakonskom snagom o izmjenama i dopunama Zakona o kriterijima i mjerilima za korištenje sredstava amortizacije stambenih zgrada i stanova u društvenoj svojini za velike opravke stambenih zgrada	496	438 Rješenje o razrješenju pomoćnika republičkog javnog pravobranioca	512
415 Uredba sa zakonskom snagom o organizaciji Republičke uprave	497	439 Rješenje o razrješenju dekana Akademije scenskih umjetnosti	512
416 Odluka o izboru predsjednika i članova Ratnog predsjedništva Skupštine opštine Teslić	505	440 Rješenje o imenovanju dekana Akademije scenskih umjetnosti	512
417 Uredba o osnivanju Sekretarijata za ekonomske odnose sa inostranstvom	505	441 Rješenje o imenovanju direktora Zavoda za fizičku kulturu	512
418 Odluka o obrazovanju komisije za administrativna pitanja Vlade Republike Bosne i Hercegovine	506	442 Rješenje o imenovanju direktora Republičkog pedagoškog zavoda	513
419 Odluka o prodaji zaliha roba koje se nalaze na teritorijama drugih država	506	443 Rješenje o imenovanju vršioca dužnosti direktora Republičkog javnog fonda za visoko obrazovanje	513
420 Odluka o priorititetima u snabdijevanju energijom i energijom	507	444 Rješenje o imenovanju direktora Instituta za književnost	513
421 Odluka o izuzimanju materijalno-tehničkih sredstava za potrebe Oružanih snaga Republike Bosne i Hercegovine	508	445 Rješenje o imenovanju direktora Instituta za jezik	513
422 Odluka o broju i načinu izbora odbornika iz skupština opština i Skupštine grada Sarajeva u skupštine okruga	508	446 Rješenje o imenovanju direktora Instituta za proučavanje nacionalnih odnosa	513
423 Odluka o osnivanju Carinarnice Mostar	510	447 Rješenje o imenovanju vršioca dužnosti Republičkog vodoprivrednog društvenog fonda	513
424 Odluka o troškovima sahrane žrtava rata	510	448 Rješenje o imenovanju privremenog direktora Javnog preduzeća u državnoj svojini "Magnum Scutum"	513
425 Rješenje o razrješenju sekretara Vlade Republike Bosne i Hercegovine	510	USTAVNI SUD BOSNE I HERCEGOVINE	
426 Rješenje o imenovanju sekretara Vlade Republike Bosne i Hercegovine	510	Odluka o ukidanju Odluka Skupštine opštine Orašje broj 09/II-476-4/91 od 26. 4. 1991. godine	514
427 Rješenje o postavljenju direktora Uprave prihoda Republike Bosne i Hercegovine	510	Odluka o poništavanju Deklaracije o proglašenju Republike srpskog naroda u Bosni i Hercegovini od 9. januara 1992. godine; Ustava Srpske republike Bosne i Hercegovine od 28. februara 1992. godine i opštih akata donesenih na osnovu akata navedenih u prethodnim tačkama.	514
428 Rješenje o postavljenju podsekretara u Ministarstvu obnove	511	DRUŠTVENI FOND ZA PENZIJSKO I INVALIDSKO OSIGURANJE BOSNE I HERCEGOVINE	
429 Rješenje o postavljenju podsekretara u Ministarstvu za robni promet, poduzetništvo i turizam	511	Odluku o potrebnoj dokumentaciji na osnovu koje se rješava o pravima iz penzijskog i invalidskog osiguranja za vrijeme ratnog stanja ili u slučaju neposredne ratne opasnosti i o načinu čuvanja, izdavanja i korištenja dokumentacije	515
430 Rješenje o postavljenju pomoćnika ministra zdravlja	511	Pravilnik o ocjenjivanju radne sposobnosti u penzijskom i invalidskom osiguranju za vrijeme ratnog stanja ili u slučaju neposredne ratne opasnosti	516
431 Rješenje o postavljenju pomoćnika ministra zdravlja	511	Saopštenje o uskladjivanju penzija i novčanih naknada sa kretanjem ličnih dohodaka u julu 1992. godine.	517
432 Rješenje o postavljenju pomoćnika sekretara Vlade RBiH	511		
433 Rješenje o postavljenju pomoćnika sekretara Vlade RBiH	511		
434 Rješenje o postavljenju pomoćnika sekretara Vlade RBiH	511		

Novinsko-izdavačka organizacija
Službeni list RBiH
Sarajevo

Izašla je iz štampe brošura

STAMBENA REFORMA U RATNIM USLOVIMA

Brošura sadrži:

Uredbu sa zakonskom snagom o napuštenim stanovima

Ispravku Uredbe sa zakonskom snagom o napuštenim stanovima

Pravilnik o popisu, pečačenju i evidenciji napuštenih stanova

Kriterije za dodjelu napuštenih stanova na privremeno korišćenje

Naređenje o formiranju komisija za evidentiranje, popis i pečačenje praznih, napuštenih i bespravno useljenih stanova vojno-stambenog fonda bivše JNA

Izyode iz Zakona o stambenim odnosima:

- Član 6.

Odluku Ustavnog suda Jugoslavije

- Članovi 71. do 79. sa komentarom

Izyode iz Krivičnog zakona SRBiH

- Član 124.

- Član 125.

Uredbu sa zakonskom snagom o smještaju ljudi i materijalnih dobara za vrijeme neposredne ratne opasnosti ili ratnog stanja

Uredbu sa zakonskom snagom o preuzimanju sredstava bivše SFRJ u svojinu Republike Bosne i Hercegovine

Objašnjenja osnovnih pojmova i sve propisane obrasce

Cijena 1.500,00 BHD

Brošuru možete kupiti u prostorijama

NIO Službeni list RBiH

Sarajevo,

Ulica Magribija 3,

Telefoni: 071/663-470 i 663-471

Telefaks: 071/663-470